

5014

Ե. Ֆրանգյան

Քրիստոսը շրջապատ
 էր Կաթիկ և աշխարհային
 Կոնստանդին

9(47.925)9

Մ-788

Բաժնի 1977թ

92 ԼՏԻՔԱՅԵԼՅԱՆ

Գ-95

Ե. ՖԻԱՆԳԵԱՆ



ՔՐԻՍՏԵՓՈՐ ՄԻԿԱՅԻԼԵԱՆ

ՆՐԱ ԿԵԼՆԵՐԸ ԵՒ ԸՇԽԱՐՀԱՅԵՑՈՂՈՒԹԻՒՆԸ.

ԲԱԿՈՒ

Տպարան «ԱՐԱՄԱԶԴ»

1917

5 OCT 2011

№ 8. Հարստի

16 0

9.147.925/4
Մ-173 ք

Ե. ՖԻԼԵԳԵԱՆ



Ե. ՖԻԼԵԳԵԱՆ

Հարստի

ՔՐԻՍՏԱՓՈՐ ՄԻՔԱՅԷԼԵԱՆ

ՆՐԱ ԿԵՆՆՔԸ ԵՒ ԽՅՈՒՐՀԱՅԵՑՈՂՈՒԹԻՒՆՔ.

517

5014

5014

ԲԱԳՈՐ
Տպարան «ԱՐԱՄԱՂ»
1917



Ք. ՄԻՔԱՅԷԼԵԱՆԻ

ԿԵԱՆՔԸ ԵՒ ԳՈՐԾՈՒՆԷՈՒԹԻՒՆԸ

I.

Մի տասնամեակ առաջ*), մարտի 4-ին ընկաւ հայ ժողովրդի լաւագոյն զաւակներից մէկը, տաճկահայ դատի մեծ ռահվիրան. ընկաւ օտար երկնքի տակ և ազնիւ հերոսի մահով:

Մի տասնամեակը շատ փոքր ժամանակամիջոց է, անշուշտ, որ նման հոգիները, ինչպէս Քրիստափորն է, մոռացութեան գիրկն ընկնեն: Այս ամբողջ շրջանում նա միշտ էլ եղել է մեր մէջ, մեր շարքերում: Ամեն ծանր բոլէին խորհրդակցել ենք նրա հետ, ամեն ժամանակ նա հանդիսացել է ոգևորութեան անսպառ աղբիւր, Մեծ ճանապարհի վրայ լուսատու փարոս, կեանքի և զործունէութեան մեծ առաջնորդ: Կան հոգիներ, որ չեն դադարում գերեզմանից ևս տոն տալ կեանքին, առաջնորդել սերունդներին: Իսկ այժմ, այս ծանր և պատմական օրերին էլ աւելի զգալի է նրա ներկայութիւնը, նրա շունչը:

Այնքան հարուստ և դեղեցիկ է այդ կեանքը, այնպիսի բարոյական մեծութիւն է նա, որ տարիների փոշին անկարող է ծածկել այն: Ազնիւը և դեղեցիկը միշտ էլ իր փայլն է արձակում:

Պէտք է միշտ թերթել այդ աննման կեանքի պատմութիւնը, այնտեղ կան շատ ուսանելի էջեր:

*) Սա մի դասախօսութիւն է, կարդացւած Ք. Միքայէլեանի մահան տասնամեակի առթիւ, 1915 թին: Ժամանակին անկարող եղանք նրա տարակել, իսկ այժմ լոյս ենք ընծայում քիչ փոփոխութիւններով:



35902 +

(2532 - 2002)

II. *).

Քրիստափոր Միքայելեանը ծնունդ է 1859 թւին, մարտի 11-ին, պատմական Գողթան գաւառի մի գեղեցիկ անկիւնում, Վերին Ագուլիս գիւղում, որ մի կողմից տարածւում է գէպի Արաքսի սիրուն ափը, իսկ երեք կողմից բարձրանում են լեռները: Վերին Ագուլիսը հասարակ գիւղերից չէ. նա համարւում է Կովկասի նշանաւոր գիւղերից մէկը: Իսկ եղել են շրջաններ, երբ այդ գիւղը ներկայանում էր որպէս մտաւոր կենտրոն, մտաւոր և հասարակական կեանքի վերածնութեան մի գործօն, մի որրան:

Քրիստափորի հայրը, Մկրտիչը, Վերին Ագուլիսի անւանի մարդկանցից մէկն էր և մեծ ընտանիքի աէր: Նա ունէր եօթ գաւակ—չորս աղջիկ և երեք տղայ. վեցերորդը մեր Քրիստափորն էր: Մկրտիչ Միքայելեանն ունեւոր մարդ էր: Ինչպէս ագուլիսեցիներից շատերը, նոյնպէս և նա՝ պարսպում էր վաճառականութեամբ: Բայց նա միւս վաճառականներից տարբերւում էր իր բարձր խելքով, իր խելացի քաղաքականութեամբ, իր կենցաղով: Նա Վերին Ագուլիսում և շրջակայքում արդարամիտ մարդու համբաւ ունէր, մեծ յարեւ և հեղինակութիւն էր վայելում: Երբ նա գիւղումն էր գլտնւում, միշտ էլ համարւում էր պատուաւոր հաշտարար դատաւոր: Նա յաճախ բացակայում էր գիւղից և մեծ մասամբ ապրում էր Մոսկւայում: Այնպէս որ նա աշխարհ տեսած մարդ էր, կապ և յարաբերութիւն ունէր հեռաւոր վայրերի հետ:

Քրիստափորը դեռ մանուկ էր, միայն տասներեք տարեկան, երբ միանգամայն որբացաւ: Նա ընդամենը եօթ տարեկան էր, երբ կորցրեց իր մօրը, որ մի բարի և առաքինի, քնքոյշ և ազնիւ, մեղմ և կիրթ կին էր: Իսկ նրա հայրը

*) Հրատարակւոյն շնորհակալութիւն եմ յայտնում իմ այն բոլոր ընկերներին և ծանօթներին, որոնք այս կամ այն փաստական տեղեկութիւնն են հաղորդել Քր. Միքայելեանի կեանքի և գործունէութեան որոշ շրջանի մասին:

մեռաւ վեց տարի յետոյ, երբ նա տասներեք տարեկան էր: Մինչև եօթ տարեկան հասակը, փոքրիկ Քրիստափորը գտնւում էր մօր անմիջական հսկողութեան և խնամքի տակ: Մօր մահից յետոյ նրա դաստիարակութեան և կրթութեան մասին հոգում էր հայրը:

Քրիստափորն իր ամենասկզբնական կրթութիւնը ստացաւ տեղական ս. Շմաւոն եկեղեցու քահանայի որդու, տիրացու Կարապետ Արզարեանի մօտ: Առհասարակ նա ունենում էր մօտ քառասուն աշակերտ, նստած չորս նստարանի վրայ. ամեն մի նստարանը համարւում էր մի դասարան:

Ոչն խալիֆայական վարժարանում Քրիստափորը սովորեց միայն մէկ և կէս տարի, որից յետոյ մտաւ ս. Թովմաս Առաքելոյ վանքի, այսինքն ծխական երկդասեան դպրոցը: Այն ժամանակ, ինչպէս և յետոյ, այս կրթական հիմնարկութիւնը բացառիկ և փայլուն տեղ էր գրաւում մեր ծխական դպրոցների շարքում: Այնտեղ դասաւանդել են մի շարք յայտնի ոյժեր, ինչպէս Պերճ Պոռեան, Ռուբէն Զալալեան, Սամէլ Գիւլզատեան, Արզար Գիւլումեան, որ յետոյ քահանայ է օծւում նոյն տեղում, Ներսէս Սիմէօնեան, Գէորգ Բարխուդարեան, Մեսրոպ Փափագեան, Նիկողայոս Տէր-Ղևոնդեան, Խ. Մարումեան և այլն: Դպրոցն ունէր երեք նախապատրաստական և երեք դասարան, ուրեմն, վեց տարւայ դասընթաց. միանգամայն համապատասխանում էր ևրոպական տիպի ժողովրդական դպրոցին: Դասաւանդւում էր նոյնպէս ֆրանսերէն:

Քրիստափորը խաղաղ աշակերտ էր, համեստ և բարի, տըխրամած և մտազբաղ: Նա սիրում էր միայնութիւն և վարում ինքնամփոփ կեանք: Նրա վրայ երբեմն այնպիսի թախծութիւն էր գալիս, կարծես ամբողջ աշխարհի վիշտը նրան էր բաժին ընկել: Դեռ փոքր հասակից ցայտուն կերպով երևան են գալիս նրա խառնուածքին յատուկ գծերը: Քրիստափորը մի հիւանդոտ և վտիտ, բայց նեարդոտ մանուկ էր: Նա ունէր տենդ, փայծաղի հիւանդութիւն: Բայց չնայած այդ բոլորին, Քրիստափորը դպրոցի լաւագոյն և ամենայառաջագէմ աշակերտներից էր: Նա աչքի էր ընկնում յատկապէս պատմու-

թեան և աշխարհագրութեան մէջ: Մինչև վերջնական ապա-
քինումը, Քրիստափորը երկար ժամանակ տառապում էր այդ
մաշող հիւանդութեան ճանկերում: Ապաքինման գործում շատ
մեծ դեր է խաղացել նրա խորթ մայրը: Քրիստափորը իր առող-
ջութիւնն ամբողջապէս վերադրում էր մօրը և անկեղծ երախ-
տագիտութեամբ յիշում նրա անունը: Պատմում են, թէ ինչ-
պիսի հոգատարութեամբ և քնքշութեամբ հետևում էր նա
Քրիստափորի առողջութեանը, ինչպիսի քնական միջոցներով
շփել, մաշել է նրա փայծաղը և բոլորովին առողջացրել:

Բայց հօր մահից յետոյ, շուտով նա կորցրեց է նոյնպէս
խորթ մօրը: Այժմ Քրիստափորը կատարեալ որբ էր: Մնա-
ցել էր միայն նրա մի քոյրը. միւս քոյրերն արդէն ամուս-
նացել էին, իսկ եղբայրները՝ մեռել: Երկու որբերը, քոյր և
եղբայր, յանձնուում են նրանց մեծ հօրեղբօր, Յովհաննէս Մի-
քայէլեանի խնամքին: Հօրեղբօր մօտ Քրիստափորը թէ տան
տղայ էր և թէ միաժամանակ սպասաւոր: Առանց որեէ տըր-
տունջի նա կատարում էր տան գործերը՝ թթնու տերեւեր
բերում շերամի համար, անասունների համար խոտ կրում և
այլն: Այդ բոլորի հետ միաժամանակ նա հետևում իր դա-
սերին, փայլուն առաջադիմութեամբ փոխում դասարանները:

Այդ շրջանում, երբ Քրիստափորը հաղիւ 13-14 տարեկան
էր, նրա քրոջ որդիները, թէև նրան հասակակից և աւելի
տարիքոտ էին, նրան քեռի էին կանչում: Եւ այդ խորթ չէր
թուում փոքրիկ Քրիստափորին: Նա արդէն մեծի տպաւորու-
թիւն էր անում, տարիքին անհամապատասխան հասունու-
թիւն և լրջութիւն ունէր: Նրա քրոջ որդիները, նրա բոլոր
հասակակիցները, անգամ անհամեմատ աւելի մեծերը ակնա-
ծում, պատկառում էին նրանից և կրում նրա զօրեղ ազդե-
ցութիւնը: Նրա անհատականութեան այս գիծը, որ շատ
բնորոշ է նրա համար, յետագայում աւելի ևս երևան է գա-
լիս:

1873—4 ռուսացական տարում, տասնևչորս տարեկան հա-
սակում, Քրիստափորը աւարտեց ծխական դպրոցի դաս-
ընթացը: Բոլորն անխտիր, թէ հոգաբարձուները և թէ ու-
սուցիչները, գնահատելով նրա բարձր ընդունակութիւնները
և ուսման մեծ տենչը, ցանկանում էին ուղարկել նրան Թիֆ-

լիս՝ ուսումը շարունակելու: Թիֆլիսը իր յայտնի Ուսուցչա-
կան Ինստիտուտով համարւում էր Կովկասի «ուսումնաստենչ
գաւառացի պատանիների գեղեցիկ երազների և ցնորքների
առարկան»: Շատ քչերը, միայն ընտրեալներն էին արժա-
նանում նրա տեսութեան: Այդ շատ քչերից մէկը եղաւ նաև
մեր Քրիստափորը: Բաղդը այս դէպքում նրան ժպտաց: Բայց
հրտեղից էր փողը: Նրա հայրը թողել էր այգի, հող և այլն:
Ահա դրանց դիմաց նրա հօրեղբայրը հոգում է ուսման մա-
սին: Որոշ գումարով օգնում է նրան և դպրոցի հոգաբար-
ձութիւնը, մի պայմանով միայն, որ Ուսուցչական Ինստի-
տուտի դասընթացն աւարտելուց յետոյ, պարտաւորւում է
դաստուրի պաշտօն ստանձնել հայրենի գիւղի ծխական դպրո-
ցում:

Ահա այս ձևով և միջոցներով են ապահովում նրա միջնա-
կարգ կրթութեան գործը:

Եւ Քրիստափորն անչափ գոհ էր:

III

1874 թւի աշնան սկզբին Քրիստափորը Թիֆլիսում էր
արդէն, Կովկասի մայրաքաղաքում և մտաւոր կենտրոնում:

Մի տարի պատրաստելուց յետոյ, նա մտաւ նախ Ալէք-
սանդրեան Ուսուցչական Ինստիտուտի քաղաքային դպրոց-
րաժինը, ուր նա սովորեց երկու տարի և ապա անցաւ իս-
կական Ինստիտուտը: Թիֆլիսում նա ուսանեց ընդամենը
վեց տարի. 1880 թւին աւարտեց Ինստիտուտի լրիւ դասըն-
թացը փայլուն կերպով:

Պատանի Քրիստափորի բնաւորութեան գծերը այսեղ ա-
ւելի ևս զարգացան: Հենց առաջին օրերից նա իր լրջու-
թեամբ և խելքով գրաւեց ուսուցիչների ուշադրութիւնը,
իսկ իր անկեղծութեամբ, պարզութեամբ և ընկերասիրութեամբ
դառաւ աշակերտների սիրելին, նրանց կապող օղակը: Այս-
տեղ արդէն, աշակերտական նստարանի վրայ աղբյուրայտ են
դառնում նրա բնաւորութեան երկու հիմնական գծերը—անձ-
նագոյութիւն և ալլախութիւն: Նա զարմանալի հոգատար վե-
րաբերմունք էր ցոյց տալիս դէպի իր շրջապատը, դէպի իր

դասընկերները և ծանօթները: Մէկին՝ դասընկերին օգնում էր, նրա աշխատանքը թեթևացնելով, միւսին՝ իր աղքատիկ միջոցներից բաժին հանում, իր քրոջ որդու ուսման գործը ապահովելու համար նա մասնաւոր դասեր էր տալիս, չընայելով որ սաստիկ ծանրաբեռնուած էր դպրոցական աշխատանքներով:

Այս բոլոր անհատական բարեմասնութիւններից զատ, որ այնքան սիրելի էին դարձնում Քրիստափորին իր շրջապատի համար, նա միաժամանակ շատ զարգացած և կարողացած երիտասարդի համբաւ ունէր: Վերջին տարիներում նրա միտքը արդէն սկսել էր զրադել հասարակական լուրջ խնդիրներով. նա սկսել էր կարդալ գիտական գրքեր...

Հետաքրքական և ուշագրաւ շրջան էր: Այդ ժամանակ թիֆլիսում գոյութիւն ունէին աշակերտական խմբեր, որոնք զբաղւում էին «ինքնագարգացմամբ»: Նրանք տալիս էին անգամավճարներ, ունեւում էին մշտական հաւաքումներ, ունէին սեփական հարուստ գրադարան, որ կազմւած էր գլխաւորապէս սօցիալիստական, քաղաքատնտեսական և հասարակագիտական նշանաւոր գրքերից: Ահա այդ «ինքնագարգացման» ղեկավարներից էր Քրիստափորը:

Նրանք կարդում և ուսումնասիրում էին Կարլ Մարքս, Զերնիշտեյնի, Լաւրով, Միխայլովսկի, Պիսարե և այլն: Այդ միջոցին Քրիստափորը զբաղւում էր նաև զուտ իմացաբանական, փիլիսոփայական դժւարին պրօբլէմներով: Մի որոշ ժամանակ նա միանգամայն տարւած էր Կանտով՝ խրելով նրա գլուխ-գործոցի՝ «Զուտ բանականութեան քննադատութեան» ընթերցումի մէջ: Սակայն Քրիստափորի և ընդհանուր աշակերտութեան հետաքրքրութեան գլխաւոր առարկան այնուամենայնիւ կազմւում էին սօցիալական խնդիրները և հասարակական վարդապետութիւնները:

Աշակերտներն իրենց մտայնութեամբ աշխարհաքաղաքացիներ էին. խմբերին մասնակցում էին բոլոր ազգութիւններից անխորհրդ— հայ, ռուս, վրացի: Նրանք իրենց համաբուծւում էին առհասարակ ճշւածների դատի պաշտպաններ, աշխատանքի սկզբունքի ներկայացուցիչներ, իսկ ամենից շատ մտածում էին ռուս գիւղացու մասին: Այս վերջին պա-

հանջը շատ բնորոշ է այն ժամանակեայ ռուս հասարակական մտայնութեան համար: Նրա ևս չէր դադարել ռուս գիւղը, ռուս գիւղացին լինել ռուս բաւագոյն ինտելիգենցիայի մտածողութեան և գործունէութեան գլխաւոր առարկան: Դեռ ևս հնչում էր հմայիչ կոչը՝ «գէպի գիւղ»:

Հասարակական այս տրամադրութիւնները հասել և ազդել էին Կովկասի մտաւոր կեանքի վրայ: Թէև աշակերտութեան ճնշող մեծամասնութիւնը կազմւում էին հայերը, բայց հայկական հարցը դեռ ևս գոյութիւն չուներ և չէր զրադեցնում նրանց: Առհասարակ ազգային հարց, փոքր ազգութիւնների խնդիր գոյութիւն չուներ նրանց համար այն ժամանակ: Նրանց մէջ կային անգամ այնպիսի մտայնութեան տէր աշակերտներ, որ միանգամայն ժխտում, անօգուտ էին յայտարարում փոքր ազգութիւնների գոյութիւնը՝ ընդհանուր մարդկութեան շահերի տեսակէտից: Մարդկութիւնը ոչինչ չի կորցնի, եթէ փոքր ազգութիւնները անհետանան կեանքի բեմից: Այսպէս էին տրամաբանում շատերը, և նրանք մտածողները աննշան թիւ չէին կազմում:

Այդպիսի մտայնութեան դէմ դուրս եկաւ իր ամբողջ ոյժով պայքարելու Քրիստափորը: Թէև նրա համար էլ դեռ ևս գոյութիւն չուներ, պարզ ձևակերպւած չէր հայկական հարցը յատկապէս, սակայն նա խորապէս համոզւած էր, որ իւրաքանչիւր ազգ, լինի նա մեծ թէ փոքր, տեղ և իրաւունք ունի արեւի տակ:

Եւ նա չի տեսնում մի արդարութիւն, մի բարձր սկզբունք, յանուն որի մեծ ազգերը իրաւունք ունենային կուլ տալու փոքր ազգութիւններին, մանր ժողովուրդներին: Նրա կարծիքով, ինչ չափով որ նրանք մտածում են ռուս գիւղացու կարիքներին և պահանջների մասին, նոյն չափով, եթէ ոչ աւելի, նրանք պարտաւոր են նաև մտածել հայ, վրացի գիւղացու մասին: Այդ ժամանակ նա արդէն բաւականին պարզ հայեացք ունէր ազգային հարցի էութեան մասին: Այդպէս է վկայում նոյնպէս նրա կեանքի և գործի ընկերը՝ Սիմէօն Զաւարեանը: Նրա հայեցակէտը ազգային հարցի մասին ապագայում ոչ միայն փոփոխութեան չենթարկեց, այլ աւելի ևս հիմնաւորւելով, դառու նրա հասարակական աշարհայեցողու-

թեան գլխաւոր հիմունքներէց մէկը: Քրիստափորն իր այս մտայնութեամբ մեծապէս ազդեց իր ընկերների վրայ: Եւ երբ տասը տարի յետոյ, նրանցից շատերը կրկին հանդիպեցին իրար դարձեալ նոյն վայրում՝ աւելի հասունացած, բարձրագոյն կրթութեան տիրացած, այս անգամ ազգային հարցը նրանց համար կարեւորագոյն խնդիրն էր արդէն:

Աշակերտական շրջաններից դուրս, Քրիստափորը մօտիկ յարաբերութիւն ունէր նոյնպէս ռուս յեղափոխականների հետ: Թիֆլիսում կային բանւորական կազմակերպութիւններ, որոնց հետ նա եռանդուն կապ էր պահպանում:

Այս մի քանի տարին, մանաւանդ վերջին երկու տարին, նրա համար մի ամբողջ կեանք էր, հարուստ և բովանդակալից: Նրա հասարակական դէմքը արդէն բաւականին պարզ էր:

IV.

Ահա այսպիսի պատրաստութեամբ և հասարակական տրամադրութիւններով 1880 թւի սեպտեմբերին վերադարձաւ իւր հայրենի գիւղը:

Նա գնում էր գիւղ ճիշտ այնպէս, ինչպէս գնում էին ռուս նարոդնիկները, ռուս լաւագոյն մտաւորականները՝ մեծ առաքելութեան վեհ գիտակցութեամբ:

Իւր խոստման համաձայն, նա ուսուցչի պաշտօն էր ստանձնել վերին Ագուլիսի ծխական դպրոցում: Այս պաշտօնում նա մնաց ամբողջ չորս տարի:

Գիւղում նա և՛ ուսուցիչ էր և՛ հասարակական գործիչ: Շնորհիւ իւր մանկավարժական և գիտական պատրաստութեան, իւր անհատական բարձր յատկութիւնների, Քրիստափորը մեծապէս նպաստեց գիւղական դպրոցի և ուսուցչի նշանակութեան բարձրացման ժողովրդի աչքում: Նա շատ լաւ գիտակցելով գիտութեան մեծ դերը, ամեն կերպ աշխատում էր դպրոցը—որ գիտութեան միակ որդան է գիւղում—դարձնել ժողովրդի փայփայանքի առարկան: Այդ նպատակով նա կազմակերպում էր ծնողական պարբերական ժողովներ, ուր խօսում էր դաստիարակութեան, մանկավարժական զանազան կարեւոր խնդիրների մասին: Նա աչքի էր ընկնում իր ազատ վերաբերմունքով, մտերմական յարաբերութեամբ դէպի աշակերտները:

Այն ժամանակ աւելի ևս, քան այժմ, ուսուցիչը գիւղում, գաւառական միջավայրում ամեն ինչ էր և ոչ թէ լոկ դասատու: Բնական էր, որ նա կենդանի մասնակցութիւն և վճռական դեր պիտի խաղար Ագուլիսի հասարակական գործերի մէջ: Նա չէր կարող լուռ և անվրդով նայել, թէ ինչպէս գիւղի աղաւտղութիւնը անխիղճ կերպով շահագործում են անձար գիւղացուն, ծծում նրա արիւնը: Եւ ամեն մի անգամ, երբ առիթ էր ներկայանում, նա հանդէս էր գալիս որպէս գիւղացու շահերի պաշտպան և բարձրաձայն հնչեցնում արդարութեան ձայնը: Նրան չէին սիրում գիւղի աղաները, բայց քաշում, վախենում էին: Քրիստափորը նրանց անխնայ կերպով հարւածում, դատափետում էր և նրանց դիմակը պատռում ժողովրդի առաջ:

Կարողական պարագմունքներից յետոյ, Քրիստափորը մտնում էր ժողովրդի զանազան խաւերի մէջ, զբաղւում երիտասարդների, գլխաւորապէս արհեստաւորների հետ: Նա առաջ էր քաշում երիտասարդ ոյժերը, ներշնչելով նրանց իւր գաղափարները, աշխատելով ընդլայնել նրանց մտքի հորիզոնը, հրապարակ հանելով նրանց առջև հայ հասարակական կեանքի մութ խորշերն ու խխուրի կողմերը: Այդ բոլորի հետ միաժամանակ նա ամենքին մղում էր դէպի հալալ և քրթնաթոր, արդար և ստեղծագործ աշխատանքը:

Ահա այս ձևով նա մեծ և կենդանի շարժում առաջ բերեց գիւղում, գաւառական մթնոլորտում:

Քրիստափորը լուրջ կերպով աշխատում էր նաև երկու հարևան ազգերի, հայերի և թուրքերի մերձեցման, համերաշխութեան մասին: Այդտեղ էլ նա իւր յոյսը դրել էր նոր, մատաղ սերնդի վրայ: Նա համոզում էր թուրքերին, որ ուսում ստանան, հայոց դպրոց մտնեն: Նա ունեցաւ երեք թուրք աշակերտներ, որ մինչև այժմ էլ չեն մոռացել իրենց ուսուցչին: 1905 թւին, Քրիստափորի հոգեհանգստին ներկայ էին նաև նրա թուրք աշակերտները:

Այս չորս տարւայ գիւղական եռուն գործունեութիւնը հասարակական խոշոր նշանակութիւն ունեցաւ նոյնպէս իրեն՝ Քրիստափորի համար: Այդ միջոցին նա կարողացաւ մօտիկից դիտել կեանքը, ծանօթանալ մեր հասարակական

կեանքի վերքերին, ցաւոտ կողմերին, ուսումնասիրել տառապող ժողովրդի, աշխատաւոր մարդու անթիւ կարիքները:

V

1885 թւին, ինչպէս յայտնի է, փակեցին մեր ծխական դպրոցները: Նա գրկեց իր սիրած, փայփայած դպրոցից, բայց չյուսահատեց, խորապէս հաւատացած լինելով արդարութեան վերջնական յաղթանակին: Եւ մինչև իր կեանքի վերջին վայրկեանն էլ նա մնաց անյողողող իր հաւատի մէջ:

Այդ ժամանակ նա աւելի սուր կերպով զգաց, որ հասարակական յաջող պայքարի համար անհրաժեշտ է գիտութեամբ աւելի զինւած, աւելի պատրաստուած լինել: Եւ ահա 1885 թւի աշնանը նա ճանապարհեց դէպի Մոսկւա: Քրիստափորը մտաւ Պետրովսկայա Ակադեմիան որպէս ազատ ունկրդի:

Մոսկւայում նա մեծ եռանդով նւիրեց հասարակական գիտութիւնների՝ սօցիոլոգիայի, պատմութեան, քաղաքատնտեսութեան ուսումնասիրութեան: Հետաքրքրական շրջան էր այդ ժամանակը Ռուսաստանի համար: — Մարքսի հասարակագիտական վարդապետութիւնը, պատմական մատերիալիզմը՝ նւաճումներ էր անում ուսական հողի վրայ: Սկսել էր արդէն ուսնաբարձող նարոդնիկական ինտելիգենցիայի մէջ մարքսիստական խմորումը: Մտաւոր այդ շարժումը, անտարակոյս, չէր կարող չազդել նաև Քրիստափոր Միքայէլեանի վրայ: Բայց նա յամենայն դէպս մարքսիստ չգաւաւ:

Անհամեմատ աւելի գրաւում էր նրա միտքը ողւս սօցիոլոգիական-սուբիեկտիւիստական դպրոցը, ողւս նարոդնիկական գրականութիւնը: Նա կարգում և ուսումնասիրում էր Հերցէնի, Չերնիշևսկու, Լաւրովի և Միխայլովսկու աշխատութիւնները: Նրա հետաքրքրութիւնը նարոդնիկութեամբ տեսական չէր միայն: Նա մօտիկ յարաբերութեան մէջ մտաւ ողւս նարոդովոյցիների հետ և սկսեց գործել նրանց շարքերում:

Մոսկւայում Քր. Միքայէլեանը լուրջ կերպով ծանօթացաւ նաև Հերբերտ Սպենսերի սօցիոլոգիայի հետ:

Տեսական իր այդ աշխատանքներից զատ, նա եռանդուն ջանքեր էր թափում կազմակերպելու հայ ուսանողներին՝ նախապատրաստելու համար ընդհանուր ոյժերով ապագայ հասարակական գործունէութեան: Նրանք զբաղւում էին հասարակական խնդիրների քննութեամբ, պարզում իրենց համար զանազան հասարակական տեսութիւններ և որոշում իրենց կեանքի, ապագայ գործունէութեան ուղին: Քրիստափոր Միքայէլեանն էր այդ աշխատանքներին շունչ տողը: Իր անկեղծութեամբ, անման եռանդով, կազմակերպչական բարձր տաղանդով նա դիւրութեամբ հայ ուսանողներին համախմբում էր մի ընդհանուր գործի շուրջը, սերտ կերպով կապելով նրանց իր հետ:

Քր. Միքայէլեանը միայն երկու տարի մնաց Մոսկւայում. նիւթական միջոցների բացակայութեան պատճառով, նա ստիպւած եղաւ թողնել Մոսկւան և վերադառնալ հայրենիք, 1887 թւի գարնանը: Բայց այդքան կարճատե ժամանակամիջոցումն էլ նա կարողացաւ մեծ պաշար ձեռք բերել, հասարակական գիտութիւններով սպառազինել:

Վերադառնալով Կովկաս, նա զարձեւալ մտաւ ուսուցչական ասպարէզը, նւիրելով միաժամանակ ընդհանուր յեղափոխական գործունէութեան, թէ Թիֆլիսում և թէ գաւառներում:

VІ

Այդ շրջանում ողւսահայ մտաւորականութեան մէջ ծայր էր տւել մի նոր շարժում, որ արագ և ընդարձակ նրւաճումներ էր անում: Թիւբախայեի ազատագրման հարցն էր դրւած հրապարակի վրայ և գաղափարական բոլոր լաւ ոյժերը համախմբւում էին այդ մեծ դատի շուրջը: Պրիգոր Արծրունին բարձրացրել էր իր հզօր ձայնը: Անմահ Բաֆֆու կրակոտ և կենդանի քարոզները «Մշակ»-ի էջերին և առանձին գրքերով տարածւում էին հայ ժողովրդի բոլոր խաւերում և վառում մատաղ սրտերը: Օր-աւուր տրամադրութիւնը քարձրանում էր և շարումը աւելի լայն ծաւալ ըստանում: 1890 թւի ամառը Կովկասն ընդհանրապէս, Թիֆլիսը մասնաւորապէս թիւրքահայ յեղափոխական շարժման մի հնոց էր ներկայացնում: Էրզրումում կատարւած դէպքե-

ըը յուզել էին ամբողջ կովկասեան հայութիւնը: Մի նոր դարագլուխ էր սկսուում հայ ժողովրդի քաղաքական և հասարակական կեանքում: Խանդավառութիւնը ընդհանուր էր: Ռուսաստանի մայրաքաղաքից եկել էր ուսանող Սարգիս Կուկունեանը, մի կրակոտ և զաղափարական երիտասարդ, կամաւորական խմբեր էր պատրաստում Տաճկահայաստան մտնելու համար: Այս բոլորը տիրող բարձր տրամադրութեան արդիւնք էր: Ամեն տեղ նրան խանդավառութեամբ էին ընդունում: Ամբողջ հայ ժողովուրդը ակնապիշ հետևում էր այս աննախընթաց անցուղարձին, Բոլոր հայ մտաւորականները փարել էին տաճկահայ դատին, Տաճկահայաստանի ազատագրութեան գործին: Հայկական հարցի շուրջը կազմել էին արդէն տարբեր խմբակցութիւններ, առաջ էին եկել դանազան հոսանքներ: Այդ խմբակցութիւնները և հոսանքները տարբերուում էին իրենց ընդհանուր աշխարհայեցողութեամբ, իրենց առաջադրած պահանջներով, իրենց տակաւիկով: Բայց նրանց մէջ տիրում էր մի ցանկութիւն միայն — ընդհանուր և միացած ոյժերով վարել ու առաջ տանել տաճկահայ ժողովրդի ազատագրութեան մեծ գործը: Բայց ի՞նչպէս, ի՞նչ ծրագրով, ի՞նչ տակաւիկով: Եւ ահա սկսում են ծրագրային տար վէճեր, երկար բանակցութիւններ այդ առաջնակարգ խնդիրների շուրջը:

Այդ բանակցութիւնների ժողովատեղը և առհասարակ այդ ամբողջ շարժման կենտրոնը Թիֆլիսի „Южные номера“ հիւրանոցն էր, այժմեան „Ласкуты“-ը: Վէճերը և բանակցութիւնները ապարդիւն կերպով շարունակւում էին ամբողջ ամիսներ: Ոչ մի հոսանք չէր կամենում միւսին որևէ զիջում անել: Միաժամանակ բոլորը շատ լաւ զգում էին համերաշխութեան, ընդհանրութեան միութեան անհրաժեշտութիւնը:

Այս շարժման մէջ էր նոյնպէս Բրիտտափոր Միքայէլեանը:

Նա մինչև 1890 թւականն անմասն էր մնացել այդ ազգային, տաճկահայի ազատագրական շարժման մէջ: Սա որևէ մասնակցութիւն չունէր տաճկահայ դատի շուրջը կազմակերպւած խմբակցութիւնների և հոսանքների մէջ:

Մինչև այդ թիւը նա դեռ ևս մնում էր ուսու յեղափոխական, ընկերվարական, համամարդկային զաղափարներ քարոզող: Նա ամենամօտիկ կապ ունէր ուսու յեղափոխական կուսակցութիւնների հետ: Մինչև այդ նա գործում և յայտնի էր «Միխայլով» անունով:

Բայց այդ նշանակալից թւականին նրա մէջ կատարւում է յեղաշրջում: Նա դառնում է տաճկահայկական հարցի երդեւալ պաշտպանը և անմասն առաջնորդը: — Ամեն մի ազգ ազատ պէտք է լինի, և իրաւունք ունի ազատ լինելու, ազատ, անկաշկանդ զարգանալու, — ասում էր նա: Նա տեսնում էր, որ մի ամբողջ ժողովուրդ հիւժուում էր թիւրքական անարդ լծի տակ, զուրկ մարդկային ամենատարրական իրաւունքներից: Այս գործը անհամեմատ աւելի սուր և անյետաձգելի էր, աւելի առաջնակարգ, քան զուտ դասակարգային խնդիրը: Այսպէս էր մտածում և տրամաբանում սօցիալիստ-յեղափոխականը: Եւ այդ օրից Բրիտտափորը նետուեց հոռուն գործի ասպարէզը և այլ ևս երբէք չհեռացաւ այդտեղից:

Քր. Միքայէլեանը ամենախոշոր անձնաւորութիւններից մէկն էր տաճկահայ դատի շուրջը համախմբւած, ինտելիգենտների շարքում: Նրան էր վիճակւած այդ ինտելիգենտներից ի մի համախմբելու և գործի մղելու ծանր դերը: Բրիտտափորն ունէր այդ դերի համար բոլոր անհրաժեշտ բարեմասնութիւնները՝ տարածայնութիւններ հարթելու բացառիկ շնորհք, կազմակերպչական փայլուն տաղանդ, հազազիւտ տակտ, բարոյական մաքրութիւն, յարգանք դէպի հակառակորդները... Եւ նրան յաջողեց հաւաքել մի ընդհանուր ծրագրի շուրջը որոշ յեղափոխական խմբեր և իր ընկերների հետ միասին հիմքը դրեց «Հայ Յեղափոխական Դաճակցութեան», որ շուտով ունեցաւ իր յատուկ օրգանը՝ «Դրօշակ»-ը:

Այնուհետև Քր. Միքայէլեանի կեանքի ու գործունէութեան միակ և զերագոյն նպատակն էր այդ: Նա թողեց ամեն ինչ և սկսեց մի աստանդական կեանք, ամբողջովին նւիրելով իր կուսակցութեան գործին: Նա փայփայում էր իր կուսակցութիւնն այնպէս, ինչպէս փայփայում է ծնողն

իր սիրասուն գաւաւկին: Ամբողջ տասը տարի նա Կովկասում վարում էր մի տանջալից կեանք, լի անասելի դարկանքներով, անծայր նեղութիւններով, մշտապէս ենթակայ ոստիկանութեան հետապնդումներին, բանտի և քրտորի վտանգին:

Առաջին անգամ նա բանտարկւեց 1891 թւին, թիֆլիսում և, կարճ ժամանակ բանտում մնալուց յետոյ, արքային Գրիգորին: Հենց այդ միջոցին նրան յաջողեց մի կերպ արտօրաւայրից փախչել և կարճ ժամանակով մեկնել Բոլգարիա, Սօֆիա մայրաքաղաքը՝ աշխտել սկսեալ և կիսատ մնացած «Իրօշակ»-ի № 1-ը խմբագրելու և լոյս ընծայելու համար: Նա արքայաւայրում մնաց մօտ մէկ տարի: 1892 թւին նա կրկին վերադարձաւ Կովկաս և նոյն եռանդով ու հաւատով շարունակեց աշխատել տաճկահայ դատի համար: Երկրորդ անգամ նա բանտարկւեց 1895 թւին, այս անգամ արդէն Բագում:

Բայց ոչ բանտի և քրտորի սարսափը, ոչ էլ կեանքի ծանր զրկանքներն անկարող էին յետ կանգնեցնել նրան գործից, թուլացնել նրա հաւատն ու եռանդը դէպի իւր պաշտպանած արգար դատը: Երբ Կովկասի մի վայրում վտանգւում էր նա, անցնում էր անմիջապէս մի այլ շրջան: Բայց ուր էլ նա լինէր, Բագում թէ թիֆլիս, կամ այլուր, նա դառնում էր յեղափոխական գործի կենտրոնը, համախմբելով իւր շուրջը տեղական ոյժերը և վառ կենդանութիւն առաջ բերելով նրանց մէջ դէպի գործը:


Զնայելով նրա այս հալածական կեանքին, Քրիստափորն ստիպւած էր հոգալ և իւր ընտանիքի նիւթական ապահովութիւնը: Նա չէր կամենում ծանրանալ կուսակցութեան վրայ, ապրել կուսակցութեան հաշուով, թէև նրա ամբողջ կեանքը պատկանում էր «Հ. Յեղ. Դաշնակցութեան»: Իւր և իւր ընտանիքի ծախսերը նա հոգում էր լրագրական խղճուկ աշխատանքով: Երկար ժամանակ սրբագրիչի պաշտօն կատարեց «Новое обозрѣніе» թերթի խմբագրատանը: Այդ պաշտօնը նա վարեց մինչև 1898 թիւը, երբ նա ուղևորեց արտասահման: Նա միաժամանակ աշխատակցում էր այդ թերթին և այնտեղ գրած ունի բաւականին յօդածներ:

Նա ոչ միայն չէր օգտուում կուսակցութիւնից, այլ և իւր խղճուկ միջոցներից բաժին էր հանում ընդհանուր գործին: Հէնց առաջին օրերից նրա տունը յեղափոխութեան օջաղ էր, տան դուռը «ուխտի դուռ», բաց ամենքի առջև: Նրա աղքատիկ և համեստ սեղանը արամադրելի էր բոլոր ընկերների համար անխնայի: Քրիստափորի բացակայութեան միջոցին անգամ տան դռները բաց էին: Ընկերները յաճախ գալիս էին նրա տանը գիշերելու և օգտուում էին նրա տեղաշրջերից: Պատմում են, որ նա յաճախ իւր մահահալալ տալիս էր ընկերոջը, իսկ ինքը յատակին էր պառկում:

Նա այնքան մեծ հեղինակութիւն էր վայելում ընկերների շրջանում, որ ոչ ոք նրանցից որևէ գործի չէր ձեռնարկում՝ առանց նրա հետ խորհրդակցելու, առանց նրա կարծիքն իմանալու: Նա դիտէր հէնց առաջին հայեացքից, առաջին հանդիպումից ազդել մարդկանց վրայ, հաւատ ներշնչել, իւր անսպառ եռանդով համակել նրանց և գործի ասպարէզ մղել: Նա ոչ մի ոյժ չէր արհամարում, յետ չէր մղում: Նա կարողանում էր ամեն մէկին այս կամ այն չափով, այս կամ այն դէպքում օգտակար դարձնել ընդհանուր գործի համար: Նա գիտէր խելացի կերպով, իւր անմիջական տակաւ շնորհիւ, օգտագործել անգամ կուսակցական հակառակորդներին: Շատ կարճ ժամանակամիջոցում Քրիստափորն ընդունակ էր այս կամ այն վայրում իւր շուրջը համախմբել մարդիկ և ստեղծել որոշ կազմակերպութիւն: Քանի-քանի վայրերում նա կարողացել է կազմակերպութիւն առաջ բերել, ուր տիրում էր ընդհանուր լքում, համատարած ապատիւ: Օրինակ, 1901 թւին, երբ նա կարճ ժամանակով վերադարձաւ Կովկաս արտասահմանից, գործը ամեն տեղ դադարել էր, տիրում էր լքում, հիասթափութիւն, կաղմալուծում: Նրան յաջողեց Բագում և այլ վայրերում հրիտասարդ ոյժերին կրկին ոտի հանել, ոգեւորել և կազմակերպութիւն առաջ բերել:

Քրիստափորը մի այլ կողմից ևս անզուգական էր՝ ընկերների շարքերում գոյութիւն ունեցող դժգոհութիւնները և երկպառակութիւնները վերացնելու, յուզմունքները խաղաղացնելու տեսակէտով: Նա անգամ նրա մի խօսքը, նրա

1008 35902



մի հայեացքը, անգամ միայն նրա ներկայութիւնը բաւական էր, որ ամենքը մոռանային ներքին փոքրիկ և աննշան տա-
բաձայնութիւնները, փոքրիկ և աննշան՝ մեծ և ընդհանուր
գործի հանդէպ:

VII.

Վրայ հասան 1895-96 դժբախտ տարիները, տեղի ունե-
ցաւ հայկական մեծ սղէտը—տաճկահայերի ջարդը՝ մի կող-
մից և գաղթը՝ միւս կողմից: Այս բոլորին յաջորդեց սպանիչ
ռէակցիան ամբողջ Կովկասում: Դրութիւնը անտանելի էր:
Կովկասահայ մտաւորականութեան մէջ սկսած տեղատու-
թիւնը հասաւ ծայրահեղ աստիճանի: Այս տեղատուութիւնն
սկիզբն էր առել դեռ ևս աւելի վաղ, այն օրերից, երբ իրա-
կանութիւնը ցոյց տուաւ, որ «գործը անորոշ ժամանակով»
բացի զոհողութիւնից, ոչ մի տեսակ դափնիներ չէ կարող
խոստանալ ոչ ոքի: Եւ հայկական հարցի շուրջը համա-
խմբաւ մտաւորականներից շատ-շատերը չքացան այնպէս,
ինչպէս «քամու մի շնչով ստեղծւած ալիք»: Այսպէս է բնո-
րոշում նրանց Քրիստափորը: Բայց դրանք ոչ թէ հասարակ,
թէ և ինտելիգենտ, մարդիկ էին, այլ «յեղափոխական կեն-
տրոններում բազմելու համար դուրս պատուող պարոններ»:
Դրանք այն ինտելիգենտներն էին, որ «արժան գնով ազա-
տութիւն ձեռք բերելու յոյսերով հարբած, մօտեցան յեղա-
փոխական գործին, կարծես վախենալով, որ էգուց-միւս օրը
յանկարծ առանց իրենց անմեղ աղմուկին էլ Հայաստանը
անկախ երկիր կը հռչակուի և յետոյ այդ հանդիսաւոր օրը
իրենք կը մնան առանց դափնիների»: Դրանք, վերջապէս,
այն ինտելիգենտներն էին, որոնք «1890-91 թւականներին
իբար հետ մրցում էին հայ ժողովրդի ազատագրութեանը
նւիրելու փառաւոր խոստումներով»: Իսկ յետոյ, հենց յա-
ջորդ 1891-92 թւականներին, երբ Կովկասի վրայով անցնում
է ռէակցիայի թեթիւ ալիքը, բոլոր նրանք՝ «հաւատարիմ
իրենց մօր կաթի հետ ծծած ստրկական բնագոյների»
փախչում են ազատ վայրեր, ոտի տակ տալով բոլոր այն
տարրական պարտաւորութիւնները, որ ծանրանում էին
նրանց վրայ այդպիսի մի դժար պատմական բախումը:

Աւելի նախանձելի պատկեր չէր ներկայացնում տաճկահայ
մտաւորականութիւնը: Այդ օրւանից «տաճկահայ ինտելի-
գենտի իդէալը դարձաւ ամբողջ երկրագոյնտը՝ մինչև դօլ-
լարները հայրենիք Ամերիկան, իսկ ուսանայինը՝ Բաղդադ,
ուր մարդիկ երբեք դէպի վեր, դէպի բարձր, դէպի
իրենցից հեռուն չեն նայում, այլ միշտ դէպի ներքեւ,
դէպի երկրի տակը, դէպի դժոխային այն խաւարը, ուր
150-200 սաժէն խորութեան անդունդներում թագնւում է
նաւթաջրի կախարդիչ փայլը»:

Ահա ինչպիսի ցատումով է խօսում Քրիստափորը այդ
դասալիքների մասին: Խորունկ ցաւով, անհունապէս վշտա-
ցած՝ դրում է նա նոյնպէս այն մարդկանց մասին, որոնք
յանուն գերագոյն շահերի միայն թունաւորում են հասարա-
կական կարծիքը կամ օր ու գիշեր օդը թնդացնում յանուն
բանտարանի «յաւելեալ աշխատանքի», բայց ստոյիկօրէն
մնում են սառնասիրտ մի ամբողջ ժողովրդի «յաւելեալ
աշխատանքի» դիմաց:

Յաւելեալ աշխատանք, յաճախ նա գործ էր ածում այս նը-
շանաւոր և իմաստալից խօսքը: Այս խօսքը մի ամբողջ վար-
դապետութեան նշանակութիւն ունէր: Ուր «յաւելեալ աշխատանք»
խնդիր կայ, այնտեղ երկրորդ գծի վրայ պէտք է դրուի «յա-
ւելեալ աշխատանքի» հարցը: Այս էր նրա խորին համոզու-
մը:

Այսպէս էր դրութիւնը և տրամադրութիւնը տեղա-
տուութեան դեռ առաջին օրերին, երբ ռէակցիան դեռ ևս ու-
ժեղ չէր և չէր սրսկել իր մահացու թոյնը հանրութեան սրը-
տի խորքը: Տաճկահայերի ջարդից և գաղթից յետոյ՝ լքումը
կատարեալ դառաւ: Միւսներն ամենուրեք հալածանք, աք-
սոր, բանտ... Այդ ծանր օրերին դուրս էին բարձրացրել
բոլոր վատ հոգիները, անգամ նախկին յեղափոխականներից
շատերը: «Այն ժամանակ, դառնութեամբ դրում է Քր.
Միքայէլեանը, երբ դուք՝ այնպիսի չարագործութեան հան-
դէպ, ինչպիսին են հայկական կոտորածները, բռնւած էք
անսահման ցատումի սուրբ զգացմունքով միայն. այն ժա-
մանակ, երբ հայութիւնը ջնջելու բացարձակ քաղաքականու-
թեան դիմաց, դուք կարող էք ունենալ մի անընկճելի ձրգ-

տում միայն՝ ազատել վերջապէս այսքան չարիքների միակ պատճառից,—ահա այդ ժամանակ, ասում ենք, ձեր շուրջը, այս ու այն տեղ, դուք տեսնում եք հայ մարդիկ, որոնք ոտնակոխ անելով բացարձակ ճշմարտութիւնը, պատրաստ են բարին չար անւանել ու չարը՝ բարի. պատրաստ են համարեա թէ արդարացնել մարդկային պատմութեան մէջ չտեսնւած բարբարոսութիւնը. պատրաստ են անօրինակ բռնութեան հեղինակի մեղքը փաթաթել այդ բռնութեան դէմ կրուող բանակի վզին»։ Այդ վատ հոգիները, չկարողանալով, աւելի ևս չկամենալով, թափանցել կատարւած անցուղարձեւի խորը, առանց քրքրելու այդ մեծ աղէտի իսկական պատճառները, անպատիւ կերպով ցելն էին շարժում ազատագրական շարժման մարտիկներին և ղեկավարներին հասցէին և անւանարկում կոխը տաճկահայ դատի համար։

Բայց այդ բոլորի դիմաց կանգնած էր Քրիստափորը՝ իր սակաւաթիւ ընկերներով, աննկուն, աներեր, յաղթական կաշնու նման։ Նրա հետ էր միշտ էլ կրակոտ և նեարդոտ Ս. Զաւարեանը, նրա անրաժամ ընկերը։ Քրիստափորի՝ արդէն կրօնական բնոյթ կրող՝ հաւատը դէպի մեծ գործը մի րօպէ անգամ չէր տատանւել։ Հասարակական կեանքի նման հողմերը և ելկէջները, կատարուող հասարակական մալընթացութիւնը և տեղատուութիւնը չէին կարող նրան յեղաշրջել, գործից շեղել և յուսաբեկ անել։ Նա շատ լաւ ծանօթ էր ազգերի պատմութեան, հասարակական կեանքի օրէնքներին։ Նա գիտէր, որ այս ծանր օրերը, փչող յետադէմ հողմերը երկար չեն տևելու։ Եւ նա յոյս և հաւատ էր հաղորդում թոյլ և երերուն, բայց մաքուր հոգիներին. իր առողջ և երկաթեայ տրամաբանութեամբ մերկացնում ամբոխային մտածողութեան հիմքերը, ցրում տիրող տարակուսանքները... Բատկապէս այդպիսի ծանր րօպէներին, այդպիսի հասարակական ճգնաժամի օրերին աննման փայլ և կենդանութիւն էր ստանում նրա գործը, հուժկու՝ նրա խօսքը, հմայիչ՝ ամբողջ էութեամբ։ Ո՛րքան խղճուկ և անփայլ կլինէր կեանքը, եթէ իրօք չլինէին նման հոգիներ...

Տաճկահայ դատի անձնէր պաշտպանին անհուն վիշտ պատճառեց նոյնպէս դիւանագիտութեան, երոպական մեծ պետու-

թիւնների բռնած դիրքը։ Քրիստափորի համար շատ պարզ էր նրանց յանցաւոր անդործունէութիւնը, նրանց այս կամ այն չափի մեղսակցութիւնը հայկական կոտորածների, տաճկահայերի դատի վիժման գործում։ Պարզ էր նաև երոպական ժողովուրդների հասարակական կարծիքի անպայման անհրաժեշտութիւնը։ Նա գիտէր, որ երոպական ազգերը շատ աղօտ և անճիշտ հասկացողութիւն ունեն հայերի մասին, չը գիտին մեր պատմութիւնը, պարզ գաղափար չունեն մեր կատարած և կատարելիք կուտուրական դերի մասին Մերձաւոր Արևելքում, վերջապէս, նրանց համար պարզ չէ հայոց հարցն ամբողջապէս։ Նա գիտէր միաժամանակ, որ ոչ մի ազգ, մանաւանդ փոքր ազգ, չի ազատագրւել միմիայն իր սեփական ոյժերի շնորհիւ։ Նրա լաւագոյն ապացոյցը կա՛մում էր Բալկանեան քրիստոնեայ մանր ժողովուրդների ազատագրութիւնների պատմութիւնը։

Ահա այս կարևոր խնդիրը և մի շարք գուտ կուսակցական հարցեր ստիպեցին Քրիստափորին թողնել թիֆլիսը և առժամապէս ձանապարհել դէպի արտասահման։

VIII

1898 թւի աշնանը նա արդէն Եւրոպայում էր, ժընէվում։

Ժընէվ հասնելուն պէս, Քրիստափորը իսկոյն գործի դիմեց։ Նա վրդովեց արտասահմանում ապաստանած ընկերների հանգիստը, համախմբեց նրանց և գործի մղեց։ Ո՞րն էր այդ գործը։ — Անհրաժեշտ էր հասարակական կարծիք ստեղծել Եւրոպայում յօգուտ հայկական դատի, ոյժ տալ կուսակցութեան կենտրոնական օրգանին՝ «Երօշակին», լուրջ և գիտական յօդաւանդով ու աշխատութիւններով լուսարանել, վերլուծել ռէակցիայի պատճառները, ցրել յեղափոխութեան և յեղափոխականների հասցէին շարտաճ անհիմն և անարգ մեղադրանքները, բարձրացնել հասարակական ընդհանուր տրամադրութիւնը և այլն։

Այդ ժամանակ էր, որ նա գրեց իր առաջին նշանաւոր յօդաւաճարքը—«Ամբոխային տրամաբանութիւն» վեր-

նագրով: Այս ուշագրաւ և գիտական աշխատութեան մէջ նա ցոյց է տալիս ամբողջաբան տրամաբանութեան արատները— „Post hoc, ergo propter hoc“, «այս դէպքից յետոյ, ուրեմն, այս դէպքի պատճառով»: Այսպէս է տրամաբանում ամբողջը, լինի նա հասարակ մարդկանցից, թէ ինտելիգենտներից կազմուած՝ այդ միևնոյն է: Որովհետեւ կոտորածները ճաճկատանում տեղի ունեցան յեղափոխական շարժումներից յետոյ, ուրեմն, հետևեցնում է ամբողջաբան տրամաբանութիւնը, յեղափոխութիւնը և յեղափոխականներն էին այդ մեծ աղէտի պատճառը: Այդպիսի մտածողները միշտ էլ մնում են պատմական-հասարակական երևոյթների մակերևոյթի վրայ՝ առանց թափանցելու նրանց խորը: Այդ տրամաբանութեան կատարեալ անակնութիւնը, այդ մեղադրանքների անարժէք լինելը ցոյց տալու համար, Բր. Միքայէլեանը այս հարցը վերլուծման է ենթարկում շատ բազմակողմանի կերպով, մի շարք պատմական փաստերի, անթիւ եւրոպական անուանի հեղինակների վկայութիւնների հիման վրայ նա ապացուցանում է, որ «հայկական կոտորածների բուն պատճառներն են մի կողմից տաճիկ կառավարութեան գիտակցօրէն ընդունած վճիռը՝ նուազեցնել հայերի թիւը Հայաստանում, միանգամայն անկախ յեղափոխական շարժումներից, և, միւս կողմից, եւրոպայի քաղաքականութիւնը հայերի վերաբերմամբ: Յեղափոխական շարժումը ոչ միայն հիմնական պատճառ, այլ և պատուակ կամ առիթ չի ծառայել, և չենք կարող համարել: Ինչու:—Երբ կան հիմնական պատճառներ որեւէ երևոյթի առաջ գալու համար, առանց ակներև «առիթի» էլ երևոյթը զարգանում է: Իսկ երբ չկան հիմնական պատճառներ, նոյնիսկ խոշոր դէպքերն էլ «առիթի» նշանակութիւն չեն ստանում: Երբ կան, ընդհակառակը, հիմնական պատճառներ, հարկաւոր դէպքում «առիթ» կամ «պատուակ երբեք չի պակասիլ. իսկ երբ կան հիմնական պատճառներ, դրանց դէմ կոտուղ բոլոր միջոցները ոչ միայն փաստակար չեն կարող լինել, այլ միանգամայն անհրաժեշտ հակակշիռ պէտք է համարուեն»: Ահա այս հիմնական դրութիւններից ելնելով, նա գտնում է, որ յեղափոխական շարժումը ոչ միայն անխուսափելի, ոչ միայն իրաւացի և հասկանալի էր,

այլ և միանգամայն նպատակայարմար, վաղուց ի վեր սպասելի և պատուարեր երևոյթ էր:

Այս աշխատութիւնից յետոյ, նա տւաւ նաեւ այլ յօդւածներ, ուր շոշափում էր նոյնպէս ժամանակի ամենակենսական, այբող հարցերը:

Նա չէր կարող սակայն բաւականանալ միայն կարի-նետային աշխատանքով և երկար ժամանակ հրապարակախօսութեան նւիրել, որքան էլ այդ անհրաժեշտ էր: Պէտք էր ոչ միայն հայ ժողովրդի, այլ և եւրոպայի մէջ հասարակական կարծիք և տրամադրութիւն ստեղծել՝ ի նպաստ հայկական դատի: Նրա մշտական կայանը թէև ժրնէլին էր, բայց նա լինում էր ամեն տեղ, եւրոպայի զանազան մասերում, մանաւանդ Ֆրանսիայում՝ Փարիզում: Հայ դատի աննման պաշտպանը այցելում է օտար դեմոկրատ հրապարակախօսներին, դիմում անում անուանի և ազգեցիկ հասարակական գործիչներին—Ժան Ժորէսին, Բլեմանսօյին, Անատօլ Ֆրանսին, Պրէսանսէին, Պիեռ Բիաւին և այլն:

Ամեն տեղ և ամենքի կողմից հայ հայրենասէրի կոչը սիրալիք և բարեացակամ ընդունելութիւն է գտնում: Նրան յաջողում է այս բոլոր նշանաւոր ֆրանսիացիներին համախմբել հայ դատի շուրջը և հրատարակել „Pro Armenia" հանդէսը Փարիզում: Բացի այդ, լոյս է տեսնում ֆրանսերէն զանազան յօդւածներ և զրքեր՝ նւիրած հայոց հարցի բազմակողմանի լուսարանութեան: Նա ոչ մի ժամանակ և ոչ էլ եռանդ էր խնայում եւրոպական պրօպագանդի գործը կանոնաւոր հիմքերի վրայ դնելու և իսկական նպատակին ծառայեցնելու:

* * *

Քրիստափորը հայ դատի շուրջը որոշ հետաքրքրութիւն և շարժում առաջ բերեց նաեւ Գերմանիայում: Այդ նպատակով, 1902 թւին նա գնաց Բեռլին: Իր սովորութեան համաձայն, նա բոլոր ուսանողներին ոտքի հանեց, յանդիմանեց՝ թէ ինչու նրանք մինչև այժմ ոչինչ չեն ձեռնարկել և արել այդ ուղղութեամբ Գերմանիայում և յորդորեց հայ ուսանողութեան դերմանական մամուլը զբաղեցնել հայոց

հարցով, յաջողեցնել մի հարցապնդում Ռայխստագում, հայաստանի դեմոկրատ գերմանացի անւանի մարդկանց ուղղորդութիւնը հրաւիրել մեր դատի վրայ և այս ճանապարհով համակիր հասարակական կարծիք ստեղծել: Նա ինքը ներկայացաւ անձամբ ընկերավարութեան պարագլուխ Բերելին և խօսեց նրա հետ հայոց հարցի մասին: Քրիստափորի խօսակցութիւնը աւելի շուտ հարցապնդման բնոյթ ունէր: Նա յիշեցրեց մեծ սօցիալիստին Ինտերնացիօնալի այն որոշումը, որ պարտաւորեցնում էր սօցիալիստական կուսակցութիւններին զբաղուի հայոց հարցով, և այժմ հայ դատի ներկայացուցիչն ուղղում էր իմանալ, թէ մինչև օրս ինչ է արել այդ ուղղութեամբ գերմանական սօցիալիստական կուսակցութիւնը:

Բերելի պատասխանը պարզ էր: Մինչև այդ օրը ոչինչ չէր արւած: Նա խոստացաւ հարցապնդում անել Ռայխստագում, միաժամանակ աւելացնելով, թէ դա առանձին արժէք չի ունենայ և նախապէս կարելի է ասել կանցլերի պատասխանը: Հարցապնդումը տեղի ունեցաւ, և կանցլէրը տաւ շատ կտրուկ պատասխան. «Մենք չենք կարող ամեն հարցով զբաղուել»:

Բայց Քրիստափորին աւելի զբաղեցնում էր հասարակական կարծիք պատրաստելը: Նա այնքան էլ չէր հաւատում դիպլոմատիային: Բայց այս տեսակէտից էլ Բերելը առանձին բան չէր սպասում: Նա խորհուրդ է տալիս աւելի պրօպագանդ մղել Փրանսիայում. այնտեղ ժողովուրդն անհամեմատ աւելի պատրաստակամութիւն է ցոյց տալիս, տարբեր խառնածք և հակումներ ունի և այլն: Այլ է Գերմանիայում:

Բայց չնայած այդ բոլորին, յամենայն դէպս Գերմանիայում ևս գործի սկիզբը դրւեց: Հայ ուսանողների մէջ կենդանի շարժում և հետաքրքրութիւն սկսեց, համաժողովներ կազմակերպւեցին, Բերնշտայնը դասախօսութիւն կարդաց հայոց հարցի մասին, յօդածներ գրւեցին Գերմանական թերթերում և այլն:

Մինչև այդ ժամանակ հայերի մասին գերմանացիք լսում էին միայն միսիոնարներից, որոնք կրօնական միսսիայով ճանապարհորդութիւն էին կատարում Հայաստանում:

Բայց այդ օրից ի վեր հայոց հարցը դրւում է գերմանական հասարակութեան առաջ իր իսկական բնոյթով, որպէս զուտ քաղաքական շարժում:

* * *

Ընդհանրապէս եւրոպացիների մէջ Քրիստափորը շատ լաւ ընդունելութիւն գտաւ: Բոլորը հիանում էին այս մարդով, որ միաժամակ «հայ ժողովրդի տառապանքի և աղատութեան մարմնացումն էր»: Նրանք ոչ միայն հիանում, այլ և պատկառանք էին զգում հայ մարդու առաջ: — «Երբէք չը պիտի մոռանամ աշնանային այն օրը՝ 1900 թւին, երբ նա ինձ այցելութեան եկաւ՝ «Pro Armenia»-ի հրատարակութիւնից մի քանի ամիս առաջ և մենք առաջին անգամ հանդիպեցինք իրար, Բուրգօյնի մի փոքրիկ գիւղում: Թէև անծանօթ՝ իր առաջին խօսքերից և առաջին հայեացքից՝ նա տիրաբար իշխեց իր խօսակցին: Այդ փոքրիկ, թուլակազմ մարդը—շփոթւած քայլածքով, որ՝ հակառակ իր ալեխառն մազերին՝ դեռ տարիքաւոր չէր և պահպանել էր մանկական աչքերի յստակութիւնը, խօսում էր մի ձայնով՝ միաժամանակ մեղմ և խալոտ, հմայիչ և հրամայական: Նրա տփառն կերպարանքը, հիւժւած՝ երկար, անանձնական տառապանքից, ցաւազնօրէն յայտնում էր, որ նա զգացել և կրել է իր հալածական և «մարտիրոսացած բոլոր եղբայրներ»-ի տանջանքները և որ նա արիւն է թորել բոլոր նրանց վէրքերով եւ լացել նրանց արցունքով: Սակայն այդ դէմքը ասում էր եւ այն, որ ինքը նրանցից չէ, որոնք ընկճւում են տանջանքի առջև, և իւրայինների դէմ գործւած ամեն մի ոճիր, արծարծում էր նրանց մէջ հաստատուն վճիռ՝ բնաւ չ'ենթարկւել ճակատագրին և պատրաստել աւելի լաւ օրեր՝ տրամադրելի բոլոր միջոցներով, սկսած ամենախաղաղամիտ և խորաթափանց բանականութիւնից մինչև անխուսափելի բռնադատումը, երբ այլևս չկայ ուրիշ միջոց: Եւ այնտեղ, խաղաղ հովիտի բարձրութեան վրայ, ուր երեկոյեան մութը իջնում էր եղնու առատոնների և արդէն թափուր դաշտերի վրայ՝ Միքայէլեանի հօգին դրոշմեց իմ մէջ: Ու այնուհետեւ մօտիկ լինէր նա թէ հեռու, եւ հայկական դատի վերաբերմամբ,

ոչինչ չեմ ասել, ոչինչ չեմ գրել, ոչինչ չեմ արել, առանց հարցնելու ինքս ինձ, թէ ինչ կը մտածէր նա՝ այս խօսքի, այս նախադասութեան, այս արարքի մասին» . . .

Այս խօսքերը պատկանում են մի եւրոպացու գրչի՝ յայտնի Պիէր Բիառլին:

Ահա ինչպիսի տպաւորութիւն է ստացել Քրիստափորից, ինչպիսի հիացմունքով է խօսում նրա մասին մի օտար, եւրոպացի մարդ:

IX

1905 թւի գարնան սկիզբն էր: Դեռևս Սասունի մի բուն կտրիչներէ՝ Անդրանիկի եւ իւր խմբի հերոսական քաջագործութիւնները, զբաղեցնում էին եւրոպական մամուլը, հիացնում էին հայկական դատի և ազատագրութեան համակիրներին: Եւրոպական հասարակական կարծիքը կըրկին յուզւած էր: Կազմակերպւում էին համակրական ցոյցեր ի նպաստ տաճկահայ դատին, տեղի ունենում զանազան վայրերում քաղամամարդ ժողովներ, եւրոպական մեծ պետութիւնների ուշադրութիւնը հրաւիրում հայոց հարցի վրայ, նրանց միջամտութեան անհրաժեշտութեան վրայ շեշտում...

Իսկ նշանեղ, երկրում «հիւանդ մարդը», Արդիւ-Համիդը առաջ էր տանում իր արիւնոտ մեքենայութիւնները, ոչնչացման և ջարդի իր աւանդական քաղաքականութիւնը:

Փոթորկւած էր Քրիստափորի հոգին: Նրա մէջ յղանում, հասունանում էր մի հոյակապ միտք, վրէժի այնպիսի մի ակտ, որից պիտի հիմնապէս ցնցւէր սուլթանների երկիրը, դրա հետ միասին և ամբողջ անիրաւ Եւրոպան:

Նա ինքն էր վարում և պիտի իրագործէր այդ մեծ ակտը: Անգամ նրա ձեռքի և մտքի ստեղծագործութիւնն էր վրիժառու գործիքը:

Նա այն մարդկանցից, այնպիսի հասարակական և յեղափոխական գործիչներից չէր, որոնք ուրիշներին են մղում գէպի կեանքի յորձանուտ հոսանքը, գէպի մարտի և արեան դաշտը, իսկ իրենք մնում գործից հեռու, ապահովութեան մէջ: Նա միշտ այնտեղ էր, ուր կարեւոր գործ կար, լինէր այդ արեան, թէ խաղաղ, պրօպագանդի կամ կազմակերպչական գործ, այդ միևնոյն է:

Մարտի 4-ին Քրիստափորը Վիտոշի լանջերի վրայ էր, Կնեսաժէվօ գիւղի մօտ, իր մի քանի հայ և մակեդոնացի ընկերների հետ: Քրիստափորի հետ էր նաև իր կորիւնը՝ Էդւարդը: Նա եկել էր այդտեղ փորձելու իր հնարած գործիքը, ումբը: Փորձը թէև յաջող էր, բայց մի փոքրիկ անզգուշութեան շնորհիւ, որից ումբը պայթեց, սպանեցին Քրիստափորը և Էդւարդը:

* * *

«Յիշում եմ պատահարը, գրում է ակնաւոր ընկեր. սև մուժը պատեց ձորակը, և երբ քեզ ձիւնում թաղւած օգնել էի ուզում, ծալած ոտքերդ շտկում, արիւնոտ կուրծքդ, ձեռքդ, գլուխդ դիտում, դու հևում էիր խոր, ցաւոտ կերպով: Հայեացքդ մշուշապատ ինձ էիր դիտում առանց թարթելու: Ուզում էիր խօսել, պատմել, կտակել մի մեծ, սրբազան խորհուրդ, որ կար հոգուդ մէջ. փորձեցիր շշշալ, բայց լեզուդ չը յայտնեց...»

Սպասում էիր մտքով, զգում էիր ուժեղ կերպով առանց արտայայտել կարենալու, և քո ծով հայեացքը... ինձ մաշում էր, ցաւով վառում:

Տպաւորիչ գէպերի հետաքրքիր ծալքեր ունի կեանքը, բայց հայեացքը... հայեացքդ անմոռանալի է: Ես յիշում եմ այդ հայեացքը ամեն անգամ, երբ մեր իրականութեան մէջ մի որևէ նոր հասարակական կնճիռ է առաջանում:

Վերքդ կապեցի շապիկից, ձիւն դրի տաքացած ճակատիդ, որ հանգստացնեմ վիրաւոր գլուխդ, բայց դու պառկած մէջքիդ՝ տնքում էիր, և կամաց-կամաց մարում էիր: Ողորդւում էր փոթորկոտ միտքդ և հայեացք էլ աւելի տարօրինակ, էլ աւելի խորհրդաւոր էր դառնում: Վերջին անգամ կուրծքդ արեկոծեց ուժգնօրէն և դու վերջացար՝ իբրև մարմին...

Աչքերդ այժմ նայում էին հեռու Վիտոշի բարձրունքներին և կարծես՝ դու դիտում էիր Սասնոյ կատարները, ուր «սեւ ամպն էր եկել, կայծակը ճայթել, բայց խոտոր անցել» . . .

կարօտում էիր, բայց կարօտ սրտով չը պիտի գնայիր այս աշխարհից:

Բոլոր ընկերների կողմից ծոնկի եկայ առջևդ, պինդ-համբուրեցի բարձր ճակատդ, վստահեցրի, որ բոլորը պիտի գնան՝ նւիրելով հաւատարիմ, սիրած իղէալիդ և քո գծած ճանապարհիդ. փակեցի աչքերդ, ջերմ համբուրեցի նրանց: Մակեդոնացիները ծոնկի եկած լալիս էին . . . «Էղւարդի», սիրած կորիւնիդ մօտ պառկեցրինք, որ շարունակես շոյել ու գուրգուրել տառապած երկշի սիրած գաւակին...»:

Քրիստափորի մահւան լուրը արագ կերպով տարածւեց ամենուրեք: Դառնազին արտասուեցին եւ սգացին նրա որբացած ընկերները, խորապէս ցաւ զգացին եւ այն բոլոր օտարները, որոնք երբևիցէ գործ էին ունեցել Քրիստափորի հետ:

*

Թաղումը կատարւեց օտար՝ թէև հիւրընկալ հորիզոնի տակ, Բօլգարիայի մայրաքաղաք՝ Սօֆիայում, մարտի 10-ին (1905 թ.): Թաղման ներկայ էր անթիւ բազմութիւն՝ կազմւած զլխաւորապէս բօլգարներից, մակեդոնացիներից և հայերից:

Ներկայացուցիչներ կային գրեթէ բոլոր կուսակցութիւններից:

Այսպէս, գաղափարի ազնիւ զինուորն ընկաւ իր փայլափայտ մեծ ծրագրի, իր կեանքի միակ նպատակի համար, հայ ժողովրդի ազատագրութեան մեծ ճանապարհին . . .



Ք. ՄԻՔԱՅԷԼԵԱՆԻ

ԱՇԽԱՐՀԱՅԵՑՈՂՈՒԹԻՒՆԸ

1.

Կան հազազիւտ դէմքեր, որոնց կեանքն ու մտածողութիւնը, գործն ու խօսքը վսեմօրէն ներդաշնակում են իրար, առանց որևէ աններդաշնակ ակորդի:

Այդպիսի հազազիւտ մարդկանցից էր նաև Ք. Միքայելեանը:

Նման մարդկանց առօրեայ կեանքից, կենդանի գործունէութիւնից ինքնին բխում է մի ամբողջ, ներդաշնակ և միաձոյլ աշխարհայեցողութիւն: Եւ, միւս կողմից, այդպիսի անձնաւորութիւնների ուսմունքից, նրանց ընդհանուր աշխարհայեցողութիւնից և կենսաշայեցողութիւնից կարելի է դուրս բերել և գծել նրանց անհատական դէմքը, տալ խառնուցքի զլխաւոր գծերը:

Քրիստափոր Միքայելեանի ընդհանուր աշխարհայեցողութեան ամենահիմնական դժբը դրած են իրօք նրա կեանքի և գործունէութեան մէջ:

Նա իր կոչումը գտել էր գործի, կենդանի գործի մէջ: Ժամանակ չուներ նա ոչ կարիւնէտային գիտական աշխատանքի և ոչ էլ հրապարակախօսութեան համար: Դրա պատճառը պէտք է որոնել թէ նրա անհատական խառնուցքի և թէ այդ ժամանակէլ հայ իրականութեան յատուկ պայմանների մէջ: Կենդանի գործ էր պահանջւում, և նա արձագանք էր տալիս այդ առաջնակարգ պահանջի ձայնին:

Բայց չնայած դրան, չնայած որ նա միշտ էլ գտնւել է կեանքի յորձանուտ հոսանքի, ետուն գործի մէջ, գտել է յամենայն դէպս հնար և միջոց գրելու այս կամ այն հասարակական երևոյթի կամ խնդրի մասին: Եւ այն խնդիրները,

որ նա ուսումնասիրութեան կամ վերլուծման առարկայ է դարձրել, եղել են բացառապէս այժմէական:

Նա գրել է, անկասկած, շատ քիչ: Բայց ինչ որ նա գրել է, ինչ որ նրա գրչի տակից դուրս է եկել, խիստ ուշագրաւ են և գիտական միանգամայն:

Նրա առաջին նշանաւոր աշխատութիւնն է «Ամբոխային տրամաբանութիւնը», գրւած 1900 թւին: Նոյնքան, անգամ աւելի, լուրջ և գիտական գործ է նրա երկրորդ պատմական հասարակագիտական աշխատանքը՝ «Պատմական չարիք»-ը, գրւած 1901 թւին: Այս երկու մեծ աշխատանքները, ինչպէս և մի քանի ուրիշ գրւածներ, լոյս տեսան ժընէւում 1906 թւին առանձին գրքով, որ կրում է «Յեղափոխականի մտքերը» վերնագիրը. նա ունի մի քանի յօդւածներ «Դրօշակում», մի երկուսը գրւած Ս. Զաւարեանի հետ միասին, որ չեն մտել այս ժողովածուի մէջ: Բոլոր գրւածքներն էլ մենք օգտագործել ենք:

Ք. Միքայիլեանն ունի իր յատուկ գրելու ձևը: Նրա լեզուն հակիրճ է և կտրուկ: Նա գրում է ցատուժով և արիւնով, դրա համար էլ մարդ ստիպւած կարդում է նրան, կարդում է և խորապէս ազդուում: «Եթէ ուզում ես, որ քեզ կարդան, գրիր քո սեփական արիւնով»: Ճշմարտութիւն է այս: Քրիստափոր Միքայիլեանի բոլոր գրւածքների մէջ կայ անկեղծութիւն, խորին համոզմունք, երկաթեայ տրամաբանութիւն, որ ընթերցողին անմիջապէս գերում է, մտքերը դարձնում համոզիչ, վճռական ազդեցութիւնն անտարակուսելի:

Ոչ միայն նախադասութիւնը, այս կամ այն միտքը, այլ և իւրաքանչիւր խօսքը նա առանձին խնամքով էր գրի առնում, երկար կանգ առնում ամեն մի մտքի և նրա արտայայտութեան վրայ, անգամ կտոր-կտոր կարդում իր ընկերների ներկայութեամբ: Այսպէս է նա գրել «Ամբոխային տրամաբանութիւնը»: Ք. Միքայիլեանի նպատակ էր իր իւրաքանչիւր միտքը, իւրաքանչիւր գրութիւնը տալ անտարակելի ձևի մէջ: Եւ նա էապէս հասել է իր նպատակին:

Իսկ եթէ այս բոլորի վրայ աւելացնենք ևս մի շարք այլ քարեմասնութիւններ, այն ժամանակ նրա նշանակու-

թիւնն աւելի ևս կը բարձրանայ, նրա դէմքն աւելի ևս կը պարզւի: Այն, որ նա խորը ծանօթութիւն և լայն ըմբռնում ունէր հասարակական երևոյթների և շարժումների մասին, գիտէր մեր անցեալ կեանքը, գիտէր մեր ժողովրդի հոգեբանութիւնը, մեր իրականութեան և միջավայրի յատուկ պայմանները, կիրառում է գիտական մեթոդ կայն, կայն:

Ինչպէս գործը և խօսքը, այնպէս էլ կեանքը և թօրիան, մի անբաժան, ներդաշնակ ամբողջութիւն են կազմում նրա համար: Բայց լինելով կեանքի, կենդանի գործի մարդ, Քր. Միքայիլեանը կեանքն էր համարում ղեկավար ճեսակէս: Նա միշտ էլ կեանքի ձայնին էր ունկնդրում, լայն և յարաճուն կեանքից քաղում իր իմաստութիւնը, կազմում և սրբագրում իր վարդապետութիւնը, առանց արհամարելու, ի հարկէ, հասարակագիտական տեսութիւնները: Զորվեցաւ կանոնական, անբովանդակ և անկենդան Փորձունքի մարդ չէր նա: Այս խիստ արժէքաւոր գիծը նա հաղորդել է իր ամբողջ կուսակցութեանը: Նրա կուսակցութեան ամենազբաւիչ կողմը հէնց այն է, որ գերազանցապէս կենսունակ է, որ չի դեկավարւում այս կամ այն դժգոյսով, անկենդան Փորձումով, այլ գնում է մշտապէս յարաճուն կեանքի և իրականութեան հետ, ունկնդրում նրա անմիջական թելադրանքին և այժմէական պահանջների ձայնին:

Հէնց այս թանկագին դիմն էլ գոյն է տալիս նրա աշխարհայեցողութեան: Ժողովուրդների յարաբերութիւնները, հասարակական երևոյթները կազմում են մի բարդ հիւսւածք, արդիւնք բազմապիսի տարրերի, հետևապէս չի կարելի այս բոլորը տալ, վերածել մի պարզ Փորձուի մէջ: Ամեն մի պատմական և հասարակական երևոյթի լուսաբանութեան մօտենալիս, նա վերցնում է իրական կեանքն իր ամբողջութեան մէջ, մանրագնին վերլուծման ենթարկում և ճշտում այդ բազմազան գործօններից իւրաքանչիւրի յատուկ դերը—երկրի կուրտուրայի, ազգային և պատմական առանձնայատկութիւնների, միջավայրի, կրօնի, տնտեսական շահերի և այլն: Այսպիսի գիտական մէթոդի արդասիք են «Ամբոխային տրամաբանութիւնը», «Պատմական չարիք» և «հայ-բրդական յարաբերութիւնները» գրւածքները: Հասարա-

կական կեանքը այնքան բարդ է, որ անկարելի է մի հատիկ գործօնով տալ այն ճշմարտապատում կերպով: Թերի, միակողմի և ոչ-գիտական է այն պատմահայեցողութիւնը, որ կեանքի մի տարրը, մի կողմն է միայն ի նկատի ունենում:

Ինչպէս տեսնում էք, Քրիստափոր Միքայէլեանը ընտրիստ է, պատմական ընտրիզմի ներկայացուցիչ, մի պատմահայեցողութեան, որ ընդունում և ճանաչում է բազմապիսի տարրերի դերը և փոխազդեցութիւնը պատմական-հասարակական երևոյթիւնների մէջ: Լինելով ընտրիստ, նա խորին գիտակցութեամբ աչք չի գոցում և ոչ մի գործօնի առաջ. նա այն մարդկանցից էր, որ աներկիւղ նայում են մերկ, թէկուզ երբեմն անողոր իրականութեան աչքի մէջ: Քր. Միքայէլեանի ընդհանուր աշխարհայեցողութեան մի յատկորոշ գիծն էլ կազմում է ներգործողութիւնը: Այդ բոլորում է նրա խառնածքից, նրա կեանքից և գործունէութիւնից: Նրա ամբողջ կեանքը մի գերազանցապէս ներգործոն աշխատանք էր:

Ոչ ոք այնպէս բարձր չէր գնահատում գիտակից տարրի, գիտակից և կազմակերպւած ոյժերի մասնակցութիւնը, հասարակական և քաղաքական շարժումների մէջ, ինչպէս նա: Շահեր և իդէալներ ունենալը դեռևս բաւական չէ: Պէտք է միաժամանակ պայծառ գիտակցութիւն ունենալ սեփական ոյժերի մասին: Միշտ էլ ժողովրդի մէջ որոշ անհատներ, գիտակից և իդէալներ ունեցող փոքրամասնութիւնն է բարձրանում կեանքի բեմի վրայ, ակտիւ դեր խաղում, տոն տալիս, կեանքում գիտակցական պայքար մղում իր իդէալների իրականացման համար, իր յետևից քարշ տալով տարրերին: Նման անհատները չեն սպասում, որ միջավայրը միանգամայն հասունանայ իրենց դաւանած գաղափարների համար: «Եթէ մարդկային անցեալի նախակարապետները իրենց գաղափարները առաջ մղելու համար սպասէին, որ նախապէս ամեն ոյժ իրենց հետ համաձայն էր, մեր քաղաքակրթութիւնը դեռևս կը լինէր քարէ շրջանում, և մեզ մնում է մտաբերել այն բոլոր խաչերը, խարոյկները, կոխադանները, գիլիօտիւնները, բանտերը, մի խօսքով, արեան ու ան-

համար տանջանքների այն հսկայական հնոցները, որոնց միջից անցել են յեղափոխիչ գաղափարները»: Այսպէս է ահա մտածում Քրիստափոր Միքայէլեանը, և ուրիշ կերպ էլ չէր կարող մտածել մի այդպիսի մարդ: «Ուրիշ հասարակական պայմաններում այս կամ այն ընթացքը, որին հետևում են մի քանի, բայց միշտ աւելի եռանդուն մարդիկ, դառնում է ընդհանուր կարգ, ընդհանուր սովորութիւն՝ շնորհիւ այն հանգամանքի, որ ուրիշներն էլ ընտելանում են նոյն ընթացքին»:

Նրա աշխարհայեցողութեան մէջ էական տեղ է բռնում նաև բարոյական, արդարութեան սկզբունքը:—Հասարակական հարցերի և երևոյթիւնների սահմանում նոյնքան մեծ, եթէ ոչ աւելի, արժէք և նշանակութիւն ունի արդարութիւնը, որքան ճշմարտութիւնը: Եւ Քրիստափորին մեծապէս հետաքրքրում է ոչ միայն ճշմարտութիւնը, այլ և արդարութիւնը: Նա ինքը լինելով բարոյական տիպ, բարոյական մարդուն մեծ և նշանակալից դեր է վերադրում հասարակական կեանքի մէջ: Նրա համոզմունքով, յեղափոխութիւնը միայն բարոյական, մաքուր և աղնիւ մարդկանց տապաւնէլ է: «Շարլատան»-ը չի կարող լինել լաւ յեղափոխական, այլ միլիտայն բարոյական մարդը, ասում է նա: Ընդհանուր լըքման օրերին, ամենածանր բողոքներին միայն այդպիսի գործիչներն են մնում ասպարիզի վրայ, գործի գլուխ, անսկուն և անդաւաճան: Շարլատանը իսկոյն ծլլում, անհետանում է:

II

Բայց ի՞նչ է այն իդէալը, որ դրւած է նրա գրւածներում և որին նա ձգտել է իր ամբողջ կեանքի ընթացքում. ի՞նչ է այն լաւագոյն և արդար հասարակարգը, որ դրւած էր նրա ետուն և ստեղծագործ գործունէութեան հիմքում և գոյն տալիս նրա աշխարհայեցողութեան:

Քր. Միքայէլեանը ռամկավարական էր, այս բառի ամենաազնիւ և լայն իմաստով:

Ինչպէս գիտենք, դեռ ևս ուսանողութեան ժամանակ, Մոսկւայում, նա համոզւած ընկերվարական էր: Անգամ դրանից տարիներ առաջ, երբ նա սովորում էր Թիֆլիսի Ուսուցչական Ինստիտուտում, նրա հոգու մէջ ընկերվարական աշխարհայեցողութիւնն իր խոր արմատներն էր ձգել և, այնտեղ պարարտ հող գտնելով, արագ աճում էր: Ինքը կեանքը, հասարակական խոր ապրումները, երկար տարիների ծանր խոհերը սօցիալական մեծ հարցի և նրա լուծման մասին, ինչպէս և հասարակական գիտութիւնների խոր ուսումնասիրութիւնը նրան հաստատապէս բերել էին այդ եզրակացութեան, այդ հիմնական լուծման:

Նրա աշխարհայեցողութեան հիմքում դրւած է աշխատանքի բարձր սկզբունքը: «Արդարութեան ամենագլխաւոր պահանջն է, որ ամեն մարդ իր քրտինքով պիտի աշխատէ կերած հացը, որ հաւասար աշխատանքի հետ անհատը պիտի ունենայ նոյնպէս հաւասար իրաւունք կեանքից օգուելու: Դէմօկրատիայի յաղթութիւնն այնպիսի հսկայական քայլերով առաջ է գնում, որ շատ ժամանակ չանցած հասարակութեան ղեկավարող տարրը զանազան առանձնաշնորհումների տեղ դնելու է աշխատանքը իբրև ընդհանուր բարօրութեան միակ միջոց»: Այս խօսքերը Քր. Միքայէլեանը գրել է դեռ ևս 1892 թւին, իր անբաժան ընկեր Սիմէօն Զաւարեանի հետ միասին: Նա հաւատում է, որ «յաղթանակելու է աշխատանքի սկզբունքը, ընկերական կարգը»: «Հասարակական կեանքի ալիքը, ասում է նա նոյն տեղում, պահասեցնելով նիւթական անհաւասարութեան հետ անխախտ կապւած ճնշումը՝ տանում է մեզ դէպի եղբայրական սկզբունքները, դէպի, ընկերական հաստատութիւնները»:

Ժողովուրդները, ամբողջ մարդկութիւնը մի մեծ ընտանիք է, մի ներգաշնակ, միաձոյլ դաշնակցութիւն՝ խարսխւած այդ ազգերի հաւասարութեան և եղբայրութեան, հաւասար ու արդար աշխատանքի և հաւասար վայելման ու բաշխման սկզբունքների վրայ: Կարճ, նրա ուղածն է «սօցիալիստական կազմակերպութիւն՝ համայնական սկզբունքի վերայ»: Ռուս սօցիոլոգիական դպրոցի, նարօդնիկական ուղղութեան և մերհայկական կեանքի ու միջավայրի խոր ու-

սումնասիրութեան արդիւնք է այդ:

Ամեն մի ազգ, ամեն մի ժողովուրդ իրաւունք և տեղ ունի արևի տակ, և ոչ ոք արդար և բանական հիմք չունի խելու նրանից այդ իրաւունքը և տեղը: Ամեն մի ազգ իրաւունք և տեղ ունենալով արևի տակ, պէտք է լինի ինքնավար, միանգամայն ազատ իր ներքին գործերի մէջ: Դա է բնական, արդար և անկաշկանդ կարգը, ուր ամեն մի ժողովուրդ ազատօրէն ստեղծագործելու, կերտելու է արժէքներ՝ իր և համայն մարդկութեան համար: Քրիստափոր Միքայէլեանի խորին համոզմունքով «աշխատաւոր դասերն իրենց բնական և բազմակողմանի զարգացման համար նոյնքան կարիք ունեն ազգային անկախութեան, որքան ընդհանուր ձայնատունութեան, կազմակերպութիւնների, խօսքի և մամուլի ազատութեան, և այլն»: Նա չի տեսնում որևէ հակասութիւն, որևէ հակամարտութիւն ազգայնութեան և միջազգայնութեան, ինչպէս սօցիալիզմի և անհատականութեան մէջ: Նա ինքը լինելով մի հայրենասէր, միաժամանակ մաքուր այլաօրութեան մի տիպար էր: Նա մարդ էր, մի ազգի և միաժամանակ ամբողջ մարդկութեան մի անդամ: «Լինելով հայեր, գործելով հայերի մէջ, մենք փնտռում ենք մարդիկ և չենք կարող ուրիշներին պակասը ցանկանալ, քան ուզում ենք մեզ համար»: Այսպէս է տրամաբանում հայ մարդը: Ինչպէս ամեն մի անհատ ազգի մէջ, այնպէս էլ իւրաքանչիւր ազգ-անհատականութիւն համայն մարդկութեան մէջ իրաւունք ունի ազատօրէն զարգանալու՝ ներդաշնակ և բազմակողմանի:

Այդ է ցոյց տալիս ազգերի պատմութեան ընթացքը, ազգերի յարաճուն զարգացումը: Այժմ նրա այդ հայեացքը լիապէս ճշտւում է կեանքի մէջ: Պատմական ընթացքը և կեանքը անկասկածելի կերպով հաստատում են, որ մանր ազգերը ոչ միայն չեն վերանում, ոչ միայն չեն զրկւում իրենց՝ արևի տակ գրաւած տեղից և իրաւունքից, այլ աւելի բազմանում են, հետզհետէ նոր ու նոր ինքնավար ու անկախ ազգութիւններ երևում կեանքի բեմի վրայ և իրենց տեղն ու իրաւունքն աւելի ևս հաստատուն դարձնում: Ահա Բալկանեան մանր ազգերը, ահա Անգլիայի օրինակը—Իրլան-

դիւ, Շօտլանդիա, և այլն: Ժողովուրդներն, ազգերն զարգացումը գնում է այդ ընթացքով: Չը տեսնել այդ, նշանակում է աչք փակել ազգերի պատմութեան և իրականութեան առաջ:

Այսօրւայ համաշխարհային պատերազմն աւելի ցայտուն կերպով երևան բերաւ այս հարցը — ազգային հարցը: Այժմեանից մի բան պարզ է, այն, որ վերջնական հաշուեյարդարումի, նոր երկրասահմանների դժման հիմքում դրւած է լինելու ազգային սկզբունքը:

* * *

Այդ նրա հեռաւոր նպատակն էր, նրա գերագոյն իդէալը, որին պէտք է ձգտեն բոլոր ժողովուրդները, բոլոր ռամկավարական խմբակցութիւններն անխտիր:

Բայց Քրիստափոր Միքայէլեանն ունէր նաև իր մօտաւոր նպատակը, իր այսօրւայ գործը: Տաճկահայի դատն էր այդ, որ կազմում էր նրա սրբութիւն-սրբօցը, նրա կեանքի մեծ խորհուրդը: Եւ նա իր գեղեցիկ ու հարուստ կեանքը նւիրաբերում է այդ դատի, տաճկահայի ազատագրութեան նւիրական գործին: Վերացնել այդ կնճիւղ, նշանակում է լուծել Մեծ Հարցի հանգոյցը, նշանակում է կատարել համամարդկային մի գործ: «Մեր կռիւլ տաճկաց կառավարութեան դէմ ոչ միայն ազգային կռիւ է, այլև եւրոպական քաղաքակրթութեան ու մարդկային իրաւունքների կռիւ՝ յօգուտ ամբողջ մարդկութեան և կուլտուրայի»: Այսպէս էր նա նայում հարցի վրայ: Այս տողերը նա գրել է գեռ ևս այն օրերին, երբ նա անցաւ հայ դատի գլուխը և դրաւ իր կազմակերպութեան հիմքը, 1890 թուին:

Բայց ո՞րն էր նրա ցանկութիւնը, ի՞նչ էր նա կամենում համայն Տաճկաստանի համար: Նրա դիրքը շատ պարզ էր, նրա վերաբերումը՝ բացորոշ: Նա «չի ձգտում ոչ հայ թափաւորութեան վերականգնման, ոչ թեկուզ 100 մարդուց միայն բաղկացած որևէ ազգութեան սպառնող զերիչխանութեան, ոչ էլ անպատճառ ձեր պետութիւնից անջատելուն»: Այսպէս է պատասխանում Քր. Միքայէլեանն այն երիտասարդ

թիւրքերին, որ միութեան կոչ էին անում և համագործակցութեան հրաւիրում: Նրա պահանջը շատ համեստ էր, միանգամայն բանական և արդար: Նա ցանկանում էր «համայն Տաճկաստանի համար մի կազմակերպութիւն, որ անշուշտ ընդունակ է միացնել բոլորին: Դա ֆեդերատիւ (դաշնակցական) ռամկավարական կազմակերպութիւնն է, որի համաձայն տաճկահայտակ բոլոր ժողովուրդները կազմում են մի անխախտ ամբողջութիւն, բայց իւրաքանչիւրը իր ներքին, տեղական ինքնավարութեամբ»: Եւ նա յորդորում է «պարզել բոլորի առաջ Օտտոմանեան Դաշնակցութեան եղբայրական դրօշակը» և համախմբել ընդհանուր գործի շուրջը բոլոր տաճկահայտակ ժողովուրդների առաջադէմ և ազնիւ տարրերը:

Նա իր այս բոլոր պահանջների մէջ զեկավարում է տեղի և ժամանակի սկզբունքով, ի նկատի ունենում երկրի զարգացման աստիճանը, առանձնայատկութիւնները, միջավայրի պայմանները և այլն: Արդէն մէկից աւելի անգամներ ասել ենք, որ Քր. Միքայէլեանը կեանքի և գործի մարդ էր, և ոչ թէ անհող վերացականութեան, չոր թէօրիայի երկրպագու: Այս կամ այն նոր կազմակերպութիւնը մտցնելիս պէտք է անպայման հիմք ունենալ երկրի բոլոր առանձնայատուկ պայմանները: Բոլոր երկիրները և ժողովուրդները կանգնած չեն միևնոյն աստիճանի վրայ, չունեն յար և նման պայմաններ, նրանց զարգացումը չի ընթանում ձիշտ միևնոյն ուղղութեամբ: «Ինչպէս ներկայիս մէջ կարող ենք գտնել անցեալի բոլոր գլխաւոր և ապրելու արժանի կողմերը, նոյնպէս կարող ենք գտնել, որ ապագայ կազմակերպութեան բոլոր տարրերը կարող են զարգանալ միայն ներկայից: Հետեւաբար, այս կամ այն հասարակական հաստատութիւններն իրականացնելու համար բաւական չէ ունենալ միայն կամք, նոյն իսկ կարողութիւն՝ ձեւելու հասարակական կազմակերպութիւնը այս կամ այն մօդէլից: Դրա համար անհրաժեշտ է, իբրև հիմք, վերցնել ժամանակին և տեղին յատուկ այն պայմանները, որոնք համապատասխանելով հասարակական բարօրութեան պահանջներին, նաև ընդհանուր կիրպիլ որոշում են մօտիկ ապագան»:

Այս մեծ քաղաքը մենք անում ենք Քրիստափոր-Սիմէօնի Մանիֆէստից, ծրագիր-զրուածքից: Այս տողերի մէջ կայ մի սօցիօլօգիական ճշմարտութիւն, որ մեր օրերում ճանաչում է լաւագոյն և անւանի սօցիօլօգների և պատմաբանների կողմից:

Ահա այս հասարակագիտական ճշմարտութիւնը հիմք և ելակէտ ունենալով, նա Տաճկաստանի համար այլ բան չի առաջադրում, քան այն, ինչ տեղական պայմաններից, բէալ յարաբերութիւնից են բնական ձևով բղխում: Նա միանգամայն գերծ է արեւմտեան դօկտրինեօրութիւնից: Այն երկրում, ուր գերիշխում է երկրագործութիւնը և նահապետական կուլտուրան, խօսք չի կարող լինել Արեւմտեան Եւրոպայի սօցիալիզմի մասին, ուր տիրում են որոշ սօցիալական պայմաններ: Տնտեսական ինդիւրներ շօշափելիս պիտի գեկավարել երկրի կուլտուրայով և նրա ազգային ու պատմական առանձնայատկութիւններով: մանաւանդ որ մեր ազգային գիտակցութեան մէջ պահպանուել են այնպիսի հողատիրական ձևեր, որ ուրիշ նպաստաւոր պայմաններում կըլինէին բարօրութեան գլխաւոր գրաւականը, այն, որ հողը պատկանում է մշակողին: Իսկ հողային հարցը մեր ամենագլխաւոր հարցն է»:

Ահա իր այս հիմնական հասարակագիտական տեսակէտից ելնելով, նա պահանջում է «ոյժ տալ գիւղացու համայնական սկզբունքներին, զարգացնել այն ընկերական հիմնարկութիւններն ու ձևերը, որոնք ծագել են Հայաստանի հողի վրայ, տեղական ու պատմական հանգամանքների ազդեցութեան տակ, լայնացնել այդ հիմնարկութիւնների սահմանը գիւղից, թաղից սկսած մինչև գաւառը, մինչև ամբողջ տէրութիւնը և այսպիսով ապահովել միանգամայն համայնքի ամեն մի անդամին՝ բնութեան և ընթացիկ կեանքի պատահական հարւածները»:

Ահա ինչպիսի հասարակայն կազմ է ցանկանում նա տաճկահայերի, համայն մարդկութեան, բոլոր ազգերի համար: Դա մի ցնորական ցանկութիւն, մի ուսուցիչ չէ, անհող և միայն վերացական-թէօրիական կառուցածքի արգասիք, այլ կեանքի անմիջական թելադրութիւն: Ինքն ազ-

գերի պատմութիւնը, հասարակական հիմնարկութիւնների զարգացման ընթացքն է այդ ցուցանանում:

III

Մեզ համար արդէն պարզ է Քր. Միքայէլեանի հաւարական իդէալը, նրա մօտաւոր և հեռաւոր նպատակը:

Այժմ հարցնենք. ինչ նպատակայարմար միջոցներ էր նա առաջադրում իր այդ նպատակի իրագործման համար: Մի ինքնըստինքեան հետաքրքրական, նրա աշխարհայեացքի բնորոշման տեսակէտից առաջնակարգ հարց:

Այնպիսի նկարագրի և ըմբռնումների տէր մարդը, ինչպէս է Քրիստափոր Միքայէլեանը, չէր կարող յամենայն դէպս համակիր լինել խաղաղ, կուլթուրական միջոցներին: Այո, կան և եղել են, մեր իրականութեան մէջ այդպիսի մտածողներ, որոնք կամեցել են կեանքը բարեփոխել, ազատութիւն ձեռք բերել լոկ «քաղաքակրթական խաղաղ պատերազմով»: Բայց այդ ուղղութիւնը, և այդ ուղղութեան մըտածողները, «միջին ուղիների սիրահարները» որեւէ գրաւչութիւն չ'ունէին և չէին կարող ունենալ Քրիստափորի նըման մարդու համար: Նրա ըմբռնումներին, հասարակագիտական աշխարհայեցութեանը միանգամայն չէր համապատասխանում այն միամիտ կարծիքը, թէ մի ժողովուրդ կարող է ազատագրել խաղաղ ճանապարհով, «միայն իր կուլտուրական հակումների շնորհիւ», այն էլ այնպիսի մթնոլորտում, ինչպիսին է տաճկական իրականութիւնը: Նման մի հատիկ օրինակ անգամ չկայ ազգերի պատմութեան մէջ. չը կայ մի ժողովուրդ, որ իր անկախութիւնը ձեռք բերած լինի լոկ խաղաղ, կուլտուրական միջոցներով: Իսկ պատմութիւնը Քր. Միքայէլեանի համար իմաստութեան մի աղբիւր է, ամենալաւ դասատուն:

Նա, միւս կողմից, համաձայն չէ բոլոր նրանց հետ, որոնք ուզում են միայն քաղաքագիտութեան միջոցով, դիպլօմատիքական ճանապարհով հասնել իրենց նպատակին, հայերի ազատագրման: Ի՞նչու: Որովհետև բացառապէս դիպլօմատիքան ոչինչ չի տնիլ դրդաւ մարդասիրութիւնից: Մեր

նիւթապաշտ դարում զիպլոմատները ղեկավարում են սեփական շահերով և աւելի ուժեղի իրաւունքներով»:

Իիպլոմատիայի այսպիսի գնահատումը նա տուել է դեռևս 1890 թւին: Բայց Քրիստափորը բացարձակապէս անարժէք չի համարում զիպլոմատիայի գերը: Նա շատ լատ գիտէր, թէ զիպլոմատիան երբ և ինչ դէպքում կարող է մեր դատին օգտակար լինել: Եւրոպական պրօպագանդը միայն այն չափով արժէք ունէր, ինչ չափով ստեղծելու էր նպատաւոր, համակիր հասարակական կարծիք դէպի տաճկահայ դատը: Նա գտնում էր առհասարակ տաճկահայերի կողմից միանգամայն անօգուտ, մինչև անգամ վտանգաւոր իրենց յոյսը դնել օտարի վրայ:

Յետ մղելով այդ աննպատակայարմար և անպտուղ միջոցները, նա գտնում է կուլի միջոցը, յեղափոխութիւնը: Այս է միակ ստեղծագործ, միակ յուսալի և հուժկու միջոցը, այն միակ ուղին, որով գնացել են բոլոր ազգերը:

Վաղուց արդէն հայկական կեանքը եկել, կանգ էր առել մի խոշոր զիլլէմայի առաջ—«կամ անդալյաման ընաջնջում» որպէս մի ամբողջութիւն, մի ազգութիւն, կամ զիմադրութիւն՝ կեանք, պատիւ, օտաջւածք, տուն, հայրենիք, իրաւունք բռնաբարող ոյժի, տաճիկ բռնակալութեան դէմ»: Այսպէս էր զրութիւնը և նրա առաջ գրեած խնդիրը այդպիսի սուր ձևակերպում է ստանում: Մի ժողովրդի գոյութեանը սպառնացող այսպիսի վտանգի առաջ մի անտանելի անմտութիւն էր, անկասկած, մտածել ընդհանուր մարդկութեան օգուտի, համամարդկային քաղաքակրթութեան մասին, և զբաղուած տեսնել հայի դատի լուծման միջոցը: Այդպիսի երկսրային դառն հանգամանքների մէջ տառապող և հարստահարող մի ժողովուրդ պէտք է ընտրէ այն բնական և յուսատու, միաժամանակ պատշաբի ուղին, որ «զոհերի հետ միասին խոստանում է նաև որևէ ապագայ: Մի վեհ, մի փայլուն, մի սրբազան բիւլ է այդ՝ հաւանական յաջողութեամբ»: Իսկ գործի հաւանական յաջողութիւնը կարելի ապահոված համարել, եթէ կան հետեւեալ երկու անհրաժեշտ պայմանները.— առաջին, «եթէ ժողովուրդը, որի շահերի համար մղում է կռիւը, հասկանում է այդ կուլի ան-

հրաժեշտ լինելը և մասնակցում է այդ կուլին թէ ուղղակի և թէ անուղղակի կերպով, զոնէ ի դէմս իր ամենալաւ ներկայացուցիչների, և երկրորդ, եթէ կուլի համար ընտրած են այնպիսի նպատակայարմար ձևեր և միջոցներ, որոնք բոլորովին համապատասխանում են ներկայ իրականութեան և պատմական ընդհանուր պահանջած պայմաններին»:

Այս տողերը գրեած են 1891 թւին: Եւ նա գտնում է, որ առաջին պայմանը կայ մեղանում և պէտք է ընտրել կուլի նպատակայարմար միջոցներ և ձևեր: Աշխարհայեացքի տեսակէտից կարելի է առաջին պահանջը: Ի՞նչու.— նրա տեսակէտով, ոչ մի հասարակական շարժում, աւելի ևս յեղափոխական, «չի կարող յարատեւել և մասնաւոր յաղթական վախճան ունենալ, եթէ նա ժողովրդականացած չէ ազգի մէջ, նրա ընդարձակ խաւերի մէջ: Այնպիսի մի մեծ խնդիր, ինչպիսին է հալածող մի ժողովրդի ազատագրումը ուժեղ բռնակալի ձիրքներից, չէ կարող աջողութեամբ պրօպագանդել, եթէ նա սահմանափակի ժողովրդից կտրեած որևէ հասարակական դասակարգով: Յետոյ, ոչ մի ազատութիւն դին չի կարող ունենալ ժողովրդի համար և չի կարող հետեւաբար և պահպանել, եթէ ինքը ժողովուրդը չի զիտակցում ազատութեան պահանջը և չի մասնակցում նրա անունով յայտարարեած կուլին, օգից ընկած ազատութիւնից՝ անգիտակից ժողովուրդը չի օգուտում և հեշտութեամբ կորցնում է այն առաջին պատահած դէպքում: Վերջապէս, թիւրք կառավարութեան կամ եւրոպական շահերին վնասելու գործը միտք է ստանում այն ժամանակ միայն, երբ նայում են յեղափոխականների վրայ իբրև ժողովրդական արտայայտիչների վրայ»:

Բայց դարձեալ վերադառնանք այն հարցին, թէ ինչու, ինչ նկատումներով և հիմունքներով կուլի, յեղափոխութեան միջոցն է նախընտրում:

Նախ և առաջ ազգերի պատմութեան դասն է այդ: Նա այդ իմաստութիւնը քաղել է պատմութիւնից, ամենից առաջ և ամենից աւելի թիւրքահայտակ քրիստոնեայ ազգերի, Բալկանեան ժողովուրդների ազատագրումների պատմութիւնից: Բալկանեան ազգերից և ոչ մէկի ազատագրումը

կամ անկախութիւնը անարիւն նւաճման արդիւնք չէ: Նը-
րաքցից իւրաքանչիւրը երկար տարիներ անհաւասար կռիւ
է մղել, յաճախ անասելի կերպով պարտուել, ջարդ կրել, ար-
իւնաքամ եղել, բայց երբէք չի եկել այն եզրակացութեան,
թէ պէտք է այլ ուղի, գործունէութեան այլ ճանապարհ ըն-
տրել: Նրանք միշտ էլ հաւատարիմ են մնացել կռւի, յեղա-
փոխութեան փրկարար ուղիին, և այդ ձևով ու այդ միջոցով
ձեռք բերել իրենց ազատագրումը:

Առանց արեան, առանց կռւի չկայ և չի կարող լինել
ազատութիւն: «Հայերս ոչինչ չը ստացանք: Այնտեղ ապու-
րը ուտում էին երկաթի շերտներով, իսկ մենք ունէինք մի-
այն քղքէ շերտի»: Սրանք մեծ հայի, հայ մեծ պատգամաւո-
րի խօսքեր են, Խրիմեան Հայրիկի, որը վերադառնում էր
Բեռլինի պատմական Վեհաժողովից Ո՞րն է այդ նշանաւոր
հայի այդ պատմական խօսքի էական իմաստը—կռւի ան-
հրաժեշտութիւնը: Ո՞վ չի կռւել, նա չի կարող ազատութիւն
ստանալ: Այս էր Բեռլինի Վեհաժողովի անուղղակի պատաս-
խանը: Ո՞վ կռւել էր և «երկաթէ շերտիով» էր եկել Բեռլին,
նա ստացաւ իր անկախութիւնը: Իսկ հայը չէր կռւել և մի-
այն աղերսել էր, ձեռքին չունէր անհրաժեշտ՝ ոյժը, «երկա-
թէ շերտի»:

Յետոյ, «չկայ այս աշխարհում աւելի կրթիչ օրինակ,
քան գործերի կենդանի օրինակն է. չկայ աշխարհում ոչ մի
լսարան, ուր կարելի լինէր ժողովել այնքան ունկնդիրներ,
որքան ունենում է գործի ասպարէզը նետած յեղափոխական
քարոզիչը. չկայ ոչ մի ձայն աշխարհումս աւելի հեռու, աւե-
լի մեծ տարածութեան վրայ լսող, քան գործերի գոռում-
գոչումն է. չկայ ոչ մի լեզու, որով կարելի լինէր խօսել ամ-
բողջ մարդկութեան առաջ հասկանալի խօսքերով, բացի
գործերի լեզուից»: «Ո՞վ արդեօք, ի՞նչ մարդ, ի՞նչ քարոզիչ
կամ քարոզներ կարող էին Կ.-Պօլսից մինչև Վան, Ռուսաս-
տանից մինչև Ամերիկա ցնցել հայութեան՝ բոլորի սրտին
միննոյն դարկը հաղորդելով, բոլորի առջև պարզ ամփոփե-
լով մեր ընդհանուր ազգային իղձերը, քան այդ անում էին
յեղափոխական ձեռնարկները: Ո՞ր գրողն արդեօք, որ լեզ-
ւագէտը, որ հարուստը, որ հետոքը կարող էր հայկական

պահանջների մասին այնքան հրատարակութիւնների մէջ
այնքան լեզուներով, այնքան գրել, այնքան տպագրել, այն-
քան սրտեր ու մտքեր յուզել, որքան գրել, տպագրել, ըզ-
գալ և մտածել էր տալիս հայ ժողովրդի ծանր, աննորմալ,
դժոխային կացութեան թարգմանը—յեղափոխական բողոք:
Ո՞ւր են վերջապէս հրոսակային կամ տերրորական, զինա-
տար կամ պարտիզանական խմբերի կռիւներից դուրս այն
դանիճները, այն զօրանոցները, ուր հայը պիտի վարժէր ար-
եան գործի մէջ և յեղափոխական բանակներ պատրաստէր
կամ կազմակերպէր»:

Այսպէս, միակ ճշմարիտ ուղին կռւի, արեան գործի ու-
ղին է:

Այլ ուղիներ և միջոցներ չկան: Հայ դատի փրկութիւ-
նը պիտի որոնել միայն կռւի, յարսեւ կռւի մէջ: «Պահա-
նենք, շարունակենք կռիւը, որպէսզի լայնանայ, ընդար-
ձակւի, և ընդարձակելով՝ յարսեւի—ահա դէպի մեր նը-
պատակը տանող միակ ճանապարհը, որ պատճառների և
հետեանքների կապակցութեամբ ունի պատմութեան մէջ
հաստատւած օրէնքի ոյժ: Չը շեղւենք այդ միակ ճանա-
պարհից, որ սփռւած է յուսատու ապագայի գրաւիչ ծաղիկ-
ներով»...

Ահա Քրիստափոր Միքայէլեանի պատգամը, որ միան-
գամայն գոյն է տալիս նրա ընդհանուր աշխարհայեցողու-
թեանը:

IV.

Այդ ուղին, սրբազան կռւի ուղին մի այլ տեսակէտից
ևս միակ նպատակայարմարն է:

Վերոյիշեալ բոլոր առաւելութիւններից դատ, նրա հետ
կապւած է նաև մի այլ մեծ առաքելու-
թիւն: Յեղափոխութիւնը մի բարոյական ոյժ է, իսկ յեղա-
փոխական ուղին՝ մի ժողովրդի, ինչպէս մեր ժողովուրդն է,
բարոյականացման ուղին է: Յեղափոխութիւնը քաղաքական
ազատութեան հետ բերում է նաև բարոյական մաքրութիւն:

Ի՞նչպէս հասկանալ այդ մեր դատի նկատմամբ:

Այստեղ Քրիստոսի որ Միքայելեանին զբաղեցնում է հայկական միջավայրի, աւելի ևս ազգային առանձնայատկութիւնների հարցը, կարճ, մեր ժողովրդի նկարագրի խնդիրը: Այս հարցի վերլուծմանն է նւիրել նա իր «Պատմական չարիք» աշխատութիւնը: Իւրաքանչիւր երկիր ունի իր յատուկ, այս կամ այն չափով միւս երկրներից տարբերող պայմանները, որոնց ազդեցութեան տակ ժողովրդի մէջ զարգանում են որոշ հակումներ՝ երկրի աշխարհագրութիւնը, կլիման, միջազգային դրութիւնը, կառավարութեան ձեւը, օրէնքները, պատմական անցեալն՝ իր դժբախտութիւններով, յիշողութիւններով և փորձերով, գրականութիւն, լեզու, կրօն և այլն: Հայ ժողովրդի ազգային առանձնայատկութիւնները, նրա նկարագիրն էլ կազմաւորել է այդ ձեւով, իր միջավայրի, երկրի յատուկ պայմանների տակ: Ամբողջ երկար դարեր նա կրել է բազմատեսակ հարւածներ, ենթակայ է եղել թիւրքի տիրութեան անարդ և այլապես ուժի մին, ստիպւած է եղել հպատակ լինել և յարմարել... Իսկ այս բոլորը սերնդէ-սերունդ, դարերի ընթացքում իր աւելորդ, թունաւորող ազդեցութիւնն է դրել հայ ժողովրդի օրգանիզմի վրայ, այլանդակել նրա պատկերը, առաջ բերել այս կամ այն չափի բարոյական այլասեռում:

Ահա այս է, որ Քրիստոսի որ Միքայելեանը անւանում է «պաշտական չարիք»:

Մեր ազգային առանձնայատկութիւնների հարցը, այդ «պատմական չարիքը» իր վրայ է դարձրել մեր շատ ակաւնաւոր հրապարակագիրների և բանաստեղծների ուշադրութիւնը՝ Ստեփանոս Նազարեանի, Միքայել Նալբանդեանի, Գամառ-Քաթիպայի, Բաքի, Գ. Արծրունու և այլն:

«Հայ հեղինակի պարտականութիւնն է, առում է նա դարեանը, այսօր ցուցահանել անաչառապէս, թէ հայոց ներկայ դրութիւնը մի պատահական թան չէ, մի անխրաւ ընթացք բաղդի կողմից դէպի Հայկի որդիքը, այլ մի հեւականը նոցա թոյլ և աննշան պատմական կեանքի, նոցա անքաղաքակտ կառավարութեան, նոցա կործանիչ անմիաբանութեան, անմիտ, մասնաւոր անձնասիրութեան այնպիսի միջոցներում՝ երբ հայրենիքը պահպանելու համար պիտոյ է

լուէին և պապանձելին առանձնական ախտերը և հայրենիքի պահպանութիւնը պիտոյ է լինէր միակ օրէնստու առաջնորդը և միակ նպատակը իւրաքանչիւր մասնաւորի առանձնապէս և միակ նպատակը իւրաքանչիւր մասնաւորի առանձնապէս... «Մեր հայրը ասիական բռնակալութեան տակ ուսել են միմիայն խորամանկութիւն և խարդախութիւն... երբէք մտաբերել չեն դոքա, թէ միաբանութեամբ կարողացած կը լինէին իրենց հասարակաց թշուառութիւնը թեթեւացնել: Այսպէս յառաջացել է մեր մէջ այն առանձնութեան ոգին, այն անսէր բարքը, այն կոպիտ անձնապաշտութիւնը, որ չէ թողնում հայերի մէջ դոյանալու մի ընկերական բան, մի հասարակագոյն ձեռնարկութիւն»:

«Հայը ոխերիմ է, մատնիչ է, վրէժխնդիր է այն անարգանքի դէմ, որ նա կրում է մի այլ հայից, ասում Բաքի: Բայց եթէ նոյն անարգանքը նա ստանում է տաճկից, քիւրդից, մի խօսքով՝ օտարից, նա ամենայն խոնարհութեամբ համբերում է»: «Հայն ունի և խոշոր պակասութիւններ իր մեծ արժանաւորութիւնների հետ միասին՝ անմիաբանութիւն, անհաշտ ոգի, ոխ, նախանձ», ասում է Գ. Արծրունին:

Նոյնն ասում են նաև միւս նշանաւոր հայ հեղինակները, ինչպէս և շատ եւրոպացիներ:

Հայ ժողովրդի դասի մեծ պաշտպանին շատ պարզ էին այս բոլոր ազգային արտաւերքը, «հայի կենտրոնախոյս, կենդանի զգացմունքներով աղքատ, ինքնապաշտ ընազդներով հարուստ» հոգեկան կազմը: Նա իր կեանքում, իր երկարամեայ գործունէութեան ընթացքում կրել, ճաշակել է մեր ազգային ախտերի, այդ «պատմական չարիք»-ի պատճառած դառնութիւնները, յաճախ ցաւել է նրա հոգին այդ բոլորի առջև: Նա խորապէս ցաւել և երկար մտածել է այդ «չարիքի» մասին, որովհետեւ դա որոշ և պատմական դեր է խաղացել հայ ժողովրդի կրած տառապանքի մէջ: Այդ ախտերով բուժւած են հայ ժողովրդի բոլոր խաւերն անխտիր: Բարձր խաւերը, ինտելիգենտ տարրերը, աւելի ևս այլանդակ կերպարանք ունեն, աւելի վատ հակումներ և բնազդներ ցուցահանում:

Յատկապէս սրանց վրայ է խիստ յարձակում Քրիստոս Միխայիլեանը: Եւ այս աշխատութիւնը, «Պատմական չարիք»-ը գրած է այն ժամանակ (1901 թ.), երբ մեր մշտաւորականութեան խոշորագոյն մասը հեռացել էր ասպարէզից, ընկել փողի և կարիերայի յետեից, իսկ ուսանողութիւնը՝ դիպլոմներ:

Այսպէս, նա շատ լաւ ըմբռնելով և գիտակցելով «պատմական չարիքի» գոյութիւնը և կատարած մեծ դերը, միւս կողմից գիտէր և այն, որ այդ բոլորը որոշ միջավայրի, պատմական ուրոյն միջոցաւ, դարաւոր ստրկութեան հետեանք է՝ կապած ժամանակի և տեղի հետ: Ինչպէս դարերի ընթացքում, յատուկ նպաստաւոր պայմանների տակ այդ վատաոգիջ բնագոյնները, ազգային ախտերը, «պատմական չարիք»-ը կազմել են, այնպէս էլ ժամանակի ընթացքում, տիրող պայմանների փոփոխութեան հետ, չքանալու են նաև այդ վատ յատկութիւնները:

Այդ է թելադրում նրա սօցիոլոգիական հայեցակէտը, նրա պատմահայեցողութիւնը: Ահա ինչու յեղափոխութիւնը, որ բերում է այդ յատուկ պայմանների փոփոխութիւնը, սրբում, մաքրում է միաժամանակ մի ժողովրդի բարոյական ախտերը, նրա վատաոգիջ բնագոյններն ու հակումները, պայծառացնում նրա ազգային պատկերը, նկարագիրը: «Չկայ լաւագոյն աւագան մեզ պատմական կեդտերից մաքրելու համար, քան զոհի և անձնւիրութեան այն ուղին, որի վրայ կանգնած են իրենք, յեղափոխական կուռ բոլոր համակիր տարրերը, ինչպէս և չկայ աւելի դրական միջոց չարիքը իր արմատում խեղդելու համար, քան կարող են լինել ազատ կեանքի նոր, փրկարար պայմանները, այսինքն յեղափոխական կուռ նպատակը»: Ահա ինչ է մտածում Քրիստոս Միքայելեանը: Ներկայ պայմաններում այդ բարոյական այլասեռման դէմ կուելու համար նա աւելի նպատակայարմար միջոց, աւելի յաջող դեղատոմս չէ գտնում, քան յեղափոխութեան ուղին, մի ուղի, «որ մի կողմից պահանջում ու վառ է պահում սերնդի մէջ անձնականը հասարակականին ենթարկելու ամենամեծ առաքինութիւնը և, միւս կողմից, ձգտում է մի ապագայի, ուր կարիքը պիտի լինի

այն պակասութիւնների, որոնք անհրաժեշտ են դառնում այժմ իբրև գոյութեան համար նպաստաւոր առաւելութիւններ . . . Այո, յեղափոխական դժար կուռն է, որի ընթացքում թշնամու դէմ կուրծքը-կրծքին դիմագրաւող, իր կեանքը հայրենիքին զոհող հայը անձնւիրութեան սուրբ կրակով տաքացնում է ժամանակից աճող սերնդի սիրտը և ժողովրդի ամենաթանկագին այդ մասի մէջ կենդանի պահում ազգային ոգու պայծառ հակումները . . . Այդ կուռն է, որ պիտի բերէ մարդավայել կեանքի համար պահանջող այն մանուկ մրնոյրը, որի մէջ միայն կարող են ճիշդ կերպով ծաղկել ժողովրդի դրական հակումները»...

Քրիստոս Միքայելեանը շատ լաւ գիտէր—և այդ բանը ապացոյցանող փաստեր է յիշատակում նշանաւոր հասարակագէտներից,—որ խաբէութիւնը և կեղծիքը այլ բան չէն, եթէ՝ բնական հետեանք երկիրդի ու հարստահարութեան, և խաբէութեան բոլոր տեսակները միայն վտանգից պաշտպանելու մի-մի գործիք են: Նա գիտէր, որ ազատութիւնը ներշնչում է անկեղծութիւն և ուրիշ դրական յատկութիւններ, իսկ ստրկութիւնը և բռնակալութեան բոլոր տեսակները սովորաբար առաջ են բերում անբարոյակաւացում, բարքերի և ժողովրդի նկարագրի այլանդակում:

Ահա ինչպիսի բարոյական մեծ արժէք ունի յեղափոխութիւնը, ազատագրական կուռ ուղին:

Վ

Յեղափոխական ուղին որքան փրկարար է, բայց նոյնքան նաև դժարին է, զոհերի հետ կապած: Յաղթութիւնը ապահովելու համար, անհրաժեշտ է օգտուել ամեն հնարաւոր միջոցներից, պէտք է խտացնել կուռոյների շարքերը, ոտի հանել և գիտակցութեան բերել բոլոր դժգոհ տարրերը, մի կուռ միութիւն կազմել և այդպէս ծառանալ ընդհանուր թշնամու դէմ՝ տալով նրան վճռական հարւած:

Տաճկահայ դատի պաշտպանը շատ լաւ գիտէր, որ թիւրքիայում, սուլթանների բռնակալական ընթերցմի տակ, միայն հայերը չեն, որ տառապում են և տանջւում: Հայերի նման կեղեքւում են նոյնպէս միւս ժողովուրդները, աշխատաւոր

քիւրդը, ասորին, յոյնը: Ինքը թիւրք ժողովուրդը առանձին նախանձելի վիճակի մէջ չէ: Թիւրք ժողովուրդի լայն մասսաներն ևս իրաւագուրդ են, ծանր հարկերի և տուրքերի տակ ճնշւած. նրանք էլ իրենց վրայ մեծապէս կրում են տաճկական վատաւոյժ կառավարչական սխտեմի բոլոր աւերմունքները և քայքայիչ ազդեցութիւնները. նրանք էլ մեծապէս հեծում են թիւրք պաշտօնէութեան առասպելական կամայականութիւնների տակ և այլն:

Եւ Քր. Միքայէլեանը միշտ էլ դիմում էր այդ ժողովուրդներին, նրանց գիտակից ու համեմատաբար մաքուր տարրերին՝ հնչեցնելով ընդհանուր գործի, համերաշխութեան և միութեան հրապուրիչ ձայնը: Նա անկասկած, ամենից առաջ և ամենից շատ ցանկանում էր թիւրք ժողովրդական խաւերի համագործակցութիւնը, նրանց միութիւնը՝ յանձին դեմոկրատ և յուսատու տարրերի: Բայց Քր. Միքայէլեանի և նրա իրաւակցութեան ջանքերը այդ ուղղութեամբ շօշափելի արդիւնք չեն տալիս, նրա ձայնը մնում է անպատասխան: Թիւրք ժողովուրդը շատ էր անգիտակից դէպի իր հասարակական կացութեան վերքերը, իսկ նրա շահերի գիտակից երիտասարդութիւն գրեթէ չկար, և եթէ կար, աննշան ոյժէր կազմում:

1900 թւին Տաճատ Մահմուդ փաշան միութեան կոչ է ուղղում հայերին: Այդ առիթով արտայայտել է Քր. Միքայէլեանը: Նրա դիրքը որոշ է և կտրուկ, խիստ բնորոշ նրա ընդհանուր աշխարհայեցողութեան տեսակէտից:

Ք. Միքայէլեանը յետ է մղում այդ կոչը: Ինչո՞ւ, Միութեան և համերաշխ գործունէութեան ձայները չէին տուում այն տեղից և այն մտադրանքից, որտեղից և որպիսի մարդկանցից նա էր սպասում: Իրանք միութեան անկեղծ ձայներ չէին. դա ժողովուրդի ձայնը չէր, ոչ էլ նրա դեմոկրատական փոքրամասնութեան ձայնը, տողորւած ընդհանուր ազատութեան և հաւասարութեան գաղափարներով: Այդ վերջապէս, կոխ չէր՝ ընդդէմ բռնակալութեան առհասարակ:

Ո՞վքեր էին միութեան կոչի հեղինակները.—նրանք «միայն թղթի պրոպագանդով պարապողներին և ոչ թէ գործի պրոպագանդիստներ, նրանք լուկ խօսքի և ոչ թէ կենդանի գործի մարդիկ են»:

Քրիստափոր Միքայէլեանը լինելով գործի և յեղափոխութեան մարդ, միայն յեղափոխական մարդկանց կարող էր ձեռք մեկնել: Նա առհասարակ ատում էր դատարկ խօսքի մարդկանց, և միայն խօսելու համար միանալ—այդ արդէն նրա գործը չէր, աններդաշնակ միանգամայն նրա հակումներին, նրա խառնածքին: Գիտենք արդէն, որ այդ նրա կեանքի և աշխարհայեցողութեան յատկորոշ գծերից է:

Բայց զլսաւորն այն է, որ Ք. Միքայէլեանը հակառակ էր այդ «երիտասարդ» կոչւած թիւրքերի ամբողջ աշխարհայեցողութեան, նրանց իդէալին և տակտիկային: Նրանք բոլորը բարձր խաւերից են, արիստոկրատ դասից: Նրանց մէջ բացակայում էր ամենաէականը—դեմոկրատիզմը:

Իրանք մարդիկ են, որ կամենում են յեղափոխութիւն առաջացնել «ի վերուստ» և ոչ թէ վարից, իսկական ժողովրդի կողմից: Այդպիսի մտայնութիւնը և նման մտայնութեան ներկայացուցիչները չէին կարող գրաւիչ լինել Քրիստափոր Միքայէլեանի, այդ ազնիւ դեմոկրատի համար:

Եթէ անգամ կատարել երիտասարդ թիւրքերի ցանկութիւնը, առաջանայ յեղափոխութիւն ի վերուստ, բարձրաստիճան զինուորականների և ազնւականութեան երիտասարդ ներկայացուցիչների կողմից, այդպիսի յեղափոխութիւնը չի բերելու իր հետ տիրող պետական կարգերի, հասարակական հիմնարկութիւնների արմատական ոչնչացումը առհասարակ բռնակալական ըէժիմի վերացումը: Այդ յեղափոխութիւնը, այսինքն՝ երիտասարդ թիւրքերի յաղթանակը, չի բերելու հպատակ ազգերին ազատութիւն, չի ստեղծելու երկրում պետական հաստատուն և արդար կարգ: Այդպէս մտածում և համոզւած էր Քր. Միքայէլեանը, հէնց այդ պատճառով էլ նա ընդառաջ չը գնաց արած կոչին: Այդպէս էր նա համոզւած, որովհետև այդ էր ասում ազգերի պատմութիւնը, այդ էր թելադրում իր հասարակագիտական աշխարհայեցողութիւնը՝ մի կողմից և գործնական կեանքը, երիտասարդ թիւրքերի ամենօրեայ գործը և վերաբերումը՝ միւս կողմից:

Երիտասարդ թիւրքերը չեն կուում երբէք «տաճկական կեանքի ներքին կաշկանդիչ գործօնների դէմ», որ անդամալոյծ են դարձնում ամեն մի ժողովրդի ստեղծագործական աշխատանքը: Նրանք չեն ուզում առհասարակ արմատական յեղաշրջման ենթարկել ամբողջ ներքին կեանքը: Ներանք չեն գտնում և չեն ուզում ճանաչել, որ իրենք աւելի ցածր են, քան եւրոպացիները. որ իրանց պատմութիւնը ցածր է, քան եւրոպականը. նրանք գտնում են, որ թիւրքիայում չկայ մի թերութիւն, մի չարիք, որ գոյութիւն չունենար քաղաքակիրթ երկրներում: Վերջապէս, նրանց կարծիքով թիւրքիայի թշուառութեան և անկման միակ պատճառը ներկայ սուլթանն է, Աբդուլ-Համիդի անձնաւորութիւնը:

Ահա այդպիսի մտայնութիւն ունեցող մարդկանց շարքերից լսող միաբանութեան կոչը անարձագանք է թողնում Քր. Միքայէլեանը: Նա հասկանում էր, որ այդ մարդկանց նպատակն էր միայն խեղդել, լոնցնել հայերի բողոքող ձայնը: Այդ մարդիկ ընդունակ, և պատրաստ էին անգամ արդարացնել կառավարութեան անլուր ոճրագործութիւնը, հայկական ջարդը: Նրանք չէին ուզում ճանաչել իրենց պատմական հրէշաւոր յանցանքը՝ հայերի հանդէպ և «քաղաքացիական համարձակութիւն չունեն թէկուզ արար-աշխարհի առջև և ամեն հանգամանքներում բարձրաձայն կոչելով՝ թէ այդպիսի մի սատանայական կառավարութեան դէմ, ինչպէս տաճկականն է, հայերն իրաւունք ունէին և ունեն ինչ միջոցների էլ առես դիմելու»:

Երիտ. թիւրքերը միանգամայն զուրկ են այդ կարևոր «քաղաքացիական զգացմունքից: Մինչև այժմ թիւրքերն անընդունակ են եղել մեզ «հաւատ ներշնչել դէպի իրենց բարոյակաճը, նոյնիսկ ասպիսի փոքրիկ դործերում, ուր մենք միշտ էլ կարող էինք համերաշխաբար ընթանալ»: Նրանց շարքերում Քր. Միքայէլեանը չի տեսնում համոզւած մարդիկ, անձնուրաց գործիչներ, դեմոկրատ և բարոյական մաքուր բնազդների տէր անձնաւորութիւններ, որոնց հետ միայն կարելի է կապել յեղափոխական կուի տատասկոտ ճանապարհին: Եւ նա իրաւունք ունի բացականչելու ցաւով.

«Դրանց հետ միանանք»:

Բայց ինչ են նրանք առաջարկում միութեան համար: Մենք արդէն գիտենք Քր. Միքայէլեանի իդէալը, ներառաւորը՝ թիւրքիայի վերաբերմամբ: Իսկ երիտասարդ թիւրքերը Քր. Միքայէլեանի և նրա կուսակցութեան «Ֆեդերատիւ ուսմկավարական կազմակերպութեան տեղ դնում են Միդհատ փաշայի սահմանադրութիւնը, ընդհանուր բարենորոգումների խնդիրը, կարծելով՝ թէ դրանով կը բաւարարեն տաճկահայատակ բոլոր ազգերի պահանջներին, երկրի բոլոր տարրերի կարիքներին: Այդ ընդհանուր բարենորոգումների խնդրին արժէք չէր տալիս Քր. Միքայէլեանը: Ինքը պատմութիւնը ցոյց է տւել բարենորոգումների արժէքը ճաճիկ կառավարութեան խոստումները միշտ էլ դադարի խոստումներ են մնացել, բարենորոգումների փորձերը՝ մեռած խօսքեր, և այդ այն պարզ պատճառով, որ «Տաճկաստանը կուլտուրական կեանքի համար անապատ է, որ ժողովուրդը դեռևս տգէտ է, իսկ առհասարակ իշխող բիւրօկրատ-ինտելիգենցիայի և հոգևորականութեան մէջ տիրում է արևելեան սպանիչ մթնոլորդը»: Ընդհանուր բարենորոգումների «հին երգերը» պիտի թողնել և բռնել յեղափոխութեան փրկարար ուղին:

Այս է ահա ճիշտ ճանապարհը Քր. Միքայէլեանի կարծիքով, որ առաջնորդում է անխտիր դէպի թիւրքահայտակ ազգերի և թիւրք ժողովրդի ազատագրումը:

Բայց երիտասարդ թիւրքերը այդքան հեռու և խորը չեն գնում. նրանց ուզածը էապէս և սկզբունքապէս շատ չնչին բան է, հասարակական մի կարկատան: Միութեան և համագործակցութեան իրենց կոչերով մի կէտ նպատակի էին նրանք հետապնդում միայն—պահպանել ճակատագրապէս պահաւիժող թիւրքիայի քաղաքական արտաքին դիրքը, վերացնել եւրոպական պետութիւնների միջամտութեան հարցը, առիթները: Եւ նրանց կոիւր ուղղւած էր զլխաւորապէս Աբդուլ-Համիդի անձնաւորութեան դէմ, բայց երբէք բռնակալական ուժի մի առհասարակ: «Բայց դուք, երիտասարդ թիւրքերդ, հակառակ էք դրան՝ օտտոմանեան դաշնակցութեան, և մէկ սուլթանին խփելով՝ պատրաստ էք մեզ էլ չը խնայել: Ի՞նչպէս հետևենք ձեզ»...

Ահա Քր. Միքայելեանի գնահատութիւնը և տեսակէտը։ Այս տեսակէտը նա արծարծել և պաշտպանել է դեռևս 1900 թւին, «Միութիւն թիւրքերի հետ» գրած քննարկում։ Եւ երկրի յետագայ ընթացքը ցոյց տուաւ, թէ որքան իրաւացի էր Քր. Միքայելեանը և տեղին՝ նրա յոռետեսութիւնը։— 1908 թւին տեղի ունեցաւ երիտասարդ-թիւրքական յեղաշրջումը, սուլթան Աբդուլ-Համիդ II գահընկեց եղաւ, գահ բարձրացաւ Մահմեդ V և պետութեան գլուխն անցաւ փաստապէս երիտասարդ թիւրքերի կողմիտէն։ Իսկ այդ բոլորի դիմաց դարձեալ հայկական կոտորած, ազգերի հաւասարութիւնը դարձեալ մնում է սնամէջ խօսք, դարձեալ նոյն պաշտօնէութիւնը, դարձեալ նոյն կարգերը և կամայականութիւնները երկրում... Էսպէս ոչինչ չէր փոխել։ Փոխել էին միայն իշխողները։ Իսկ նախկին Աբդուլ Համիդեան վերաբերմունքը դէպի տաճկահպատակ ազգերը, յատկապէս դէպի հայերը և հայկական հարցը, ոչնչով չը փոխւեց։

Եւ Քրիստափոր Միքայելեանը խորին ցաւով ընդգծում է այն հանգամանքը, որ մինչև այժմ (1900 թ.), չի երեւացել դէթ մի փոքրիկ խումբ թիւրք ինտելիգենտների, որ կարողանար մեզ հաւատ ներշնչել, երաշխաւորութիւն ներկայացնէր՝ անվերապահ, վստահ նրանց միանալու, «յեղափոխականին վայել աւելնով նրանց շարքերը ամրապնդելու» նպատակով։

VI.

Նոյնքան հիմնաւոր և բազմակողմանի կերպով Ք. Միքայելեանը մօտենում է հայերի և քիւրդերի յարաբերութեան, հայ-քրդական համերաշխութեան խնդրին։ Այս հարցի վերլուծման մէջ եւ իր ամբողջ փայլով արտայայտութիւն է գտել նրա բնախտական պատմահայեցողութիւնը, և նրա խորհրդածութիւնները բարձր գիտական արժէք և նշանակութիւն ունեն։ Այստեղ եւ մի աւելորդ անգամ ցուցահանւում է նրա խորունկ ծանօթութիւնը հայկական դատի հետ առնչութիւն ունեցող ամեն մի հարցի մասին։

Հայ-քրդական համերաշխութեան հարցը, անկասկած, նոր չէ։ Այս հարցը, որ այնքան կենսական նշանակութիւն ունի հայերի համար, զբաղեցրել է մի շարք նշանաւոր գէմքերի՝ Ներսէս Վարժապետեանին, Խրիմեան Հայրիկին, Սըրւանձտեանին, Բաֆֆուն և այլն։ Բացի այդ, հայ յեղափոխական շարժման առաջին օրերից իսկ հայ-քրդական յարաբերութիւնների խնդիրը լուրջ կերպով զբաղեցրել է նաև այդ շարժման ղեկավարներին, այստեղ և այնտեղ, այս կամ այն առիթով եղել են համերաշխութեան, համագործակցութեան փորձեր։ Մանաւանդ այն ժամանակ, երբ քրդերի մէջ նրկատել են ազատագրական շարժման թոյլ նշաններ, մասնակի ձեռնարկութիւններ, վախլուկ փորձեր։ Այդ փորձերը կապւած են Բեդերխան-բէյի և նրա որդու անւան հետ։

Անտարակոյս, միանգամայն հասկանալի են այդ անւանի հայերի մտահոգութիւնը, համերաշխութեան նրանց ձեռնարկները և քարոզները։ Այսպէս թէ այնպէս հայ ժողովրդի ճակատագրի բերու կերպով կապւած է քիւրդերի, այդ դեռևս կիսավայրենի, թափառական ժողովրդի հետ։ Ամեն տեղ նրանք ապրում են խառը, կողք-կողքի, և միշտ էլ շփման, անմիջական յարաբերութեան մէջ են հայերի հետ։

Ք. Միքայելեանը չը կամենալով ժխտել անցեալից ժառանգած այդ ուղղութիւնը, հայ-քրդական համերաշխութեան ուղին, ինչպէս և ընդգծելով այն փաստը, որ համերաշխութեան փորձերը առհասարակ որոշ հետևանքի չեն հասել,— ուզում է, մի կողմից, հիմնապէս պարզել այն պայմանները, որ կազմում են հայ-քրդական հակառակութիւնների հիմքը և, միւս կողմից, տեսնել թէ կարելի է արդեօք այդ հակառակութիւնների առաջն առնել եւ լինչ միջոցներով։

Ո՞րոնք են քիւրդ-հայկական հակառակութիւնները հիմնաւորող գլխաւոր պայմանները։— Նախ և առաջ քիւրդ ժողովրդի ծայր եզրերը, անգիտակցական կեանքը։ Այդ լեռնայի ժողովուրդը մինչև XX-րդ դարի սկիզբը հազիւ հասել է «նահապետական ցեղական սկզբունքին»։ Ի՞նչ կարելի է, ուրեմն, այդ ժողովրդից սպասել և պահանջել։ Նա դեռևս չի բարձրացել մինչև զարգացման այն աստիճանը, որ նրա մէջ տեղ գտնեն վերացական բարձր գաղափարներ, ընդ-

հանուր կղբունքներ: Ոչ միայն այդ: Քրդերի համար անգամ ազգային գաղափարը մի անըմբռնելի և անմատչելի հասկացողութիւն է: Հետեապէս, նրանց կապող սկզբունքը ազգային գաղափարը է, այլ միմիայն ցեղական սկզբունքը», մի երեւոյթ, որ յատուկ է բոլոր այն ժողովուրդներին, որոնք գտնուում են դեռևս նախապատմական շրջանում, զարգացման ամենասկզբնական աստիճանի վրայ: Յեղի շահն է նման ժողովուրդներին, ինչպէս և քրդերին, կեանքի ղեկավար սկզբունքը: «Այն ամենը, ինչ պահպանում է ցեղը, յաճախ նոյնիսկ անհատը—լաւ է, և ինչ կարող է նրանց վնասել՝ վատ: «Յեղակից» և «այլացի» հոմանիշն են «բարեկամ» և «թշնամի» խօսքերին: Հէնց այդ հասկացողութեամբ պէտք է բացատրել քիւրդ ցեղերի մէջ գոյութիւն ունեցող խորն ատելութիւնը, ծայրայեղ թշնամութիւնը: Հետեապէս, քիւրդերին, որպէս ցեղական սկզբունքով փպրոդ և մեծ մասամբ թափառական, խաշնարած ժողովրդին, կարելի է դասուորել միայն մարդկային քաղաքակրթութեան բարբառուական շրջանում: Երկու տարբեր քաղաքակրթական կենցաղների այդ դժբաղդ զուգադիպութիւնն է ահա մէկը այն հիմնական պատճառներից, որ պայմանաւորում են քրդական ու հայկական շահերի և տեսակէտների ահագին տարբերութիւնը»:

Երկրորդ նշանաւոր պայմանը, որ սրում է քիւրդ-հայկական յարաբերութիւնները, դա այն «տակտիկան է, որին հետևում է տաճիկ կառավարութիւնը հնուց ի վեր»: Տաճիկ կառավարութեան այդ աւանդական քաղաքականութիւնը կայանում է նրանում, որ ձգտում է հեռու պահել քիւրդերին անկախութեան ձգտումներից, նրանց մշտապէս պրաղնցնում է բոլորովին տարբեր հարցերով, լարում ասորիների, հայերի դէմ և միշտ թշնամական յարաբերութեան մէջ դրնում: Եւ կառավարութիւնը մեծ մասամբ հասնում է իր նպատակին՝ շնորհիւ քիւրդ ժողովրդի ազիտութեան, կողոպուտի և սպանութեան վայրենի բնազդներին: Նա շարունակ եղել է տաճիկ կառավարութեան ձեռքին մի լոկ գործիք, ուրիշ ոչինչ:

Խանգարող պայմանների և պատճառների շարքում

պէտք է ինկատի ունենալ նոյնպէս կրօնի նշանակութիւնը: Քր. Միքայէլեանը համաձայն է այն մարդկանց հետ, որոնք ժխտում են կրօնի դերը հայ-քրդական յարաբերութիւնների մէջ: Նա միանգամայն իրաւացի է, երբ դիտել է տալիս, թէ մի «կրօն», որի մէջ դարերի ընթացքում ամփոփւել է մահմեդական աշխարհի համարեա բոլոր մտաւոր-բարոյական կեանքը, որը հանդիսացել է որպէս գերագոյն ղեկավար մահմեդական պետութիւնների ամբողջ քաղաքական կազմի մէջ, վերջապէս, մի կրօն, որ «գեաւուր» խօսքով այնքան խստորէն բաժանում է ամբողջ երկրագնդի այլակրօն տարրերը «մուսուլմաններից» և «հալալ» է անում իր հետևողներին այլակրօնների արիւնը և աւար-կողոպուտը, և այդ պատգամներն այնքան համապատասխանում են մանաւանդ քրդերի բոլոր վայրենի բնազդներին—այդպիսի մի կրօն չի կարող չունենալ իր որոշ դերը քիւրդ-հայկական հակառակութիւնների խնդրում»:

Չը նայած այս հիմնական պայմաններին, այս արդեւադիմադրական պատճառներին, Քրիստափոր Միքայէլեանը դարձեալ յետ չի կանգնում համերաշխութեան, ընդհանուր գործակցութեան մտադրութիւնից: Բայց համերաշխութեան գործը ապահոված կը լինի միայն այն ժամանակ, երբ կը վերանան վերոյիշեալ պայմանները: Բայց ինչպէս, ինչ ճանապարհով և միջոցներով կարելի է հասնել այդ նպատակին:—Պէտք է բարեշնչել քիւրդերի բարբառու կենցաղը, սխտեմատիքաբար կուել թիւրք կառավարութեան դէմ եւ մերկացնել, պարզել նրա նենդ քաղաքականութիւնը, ցոյց տալ նրա թշնամութիւնը թէ դէպի քրդերը և թէ դէպի մեզ, զեղքացնել կրօնական ազդեցութիւնները, որ քրդերի մէջ հոմանիշ են նրա ազգայնական հասկացողութիւններին:

Ահա որքան բարդ և դժւարին է այդ հարցը, և պահանջում է երկար ժամանակ, տարիների անդուլ աշխատանք:

Այդ կուլտուրական գործը, որքան մեզ համար կարեւոր և մեծ է, հայ ժողովուրդը, նամանաւանդ հայ յեղափոխական կազմակերպութիւնը չի կարող իր վրայ վերցնել և իր օրւայ գործը դարձնել: Հետեապէս, ինչպէս ձիշտեկատում է հայկական դատի առաջնորդը, միակ և այժեական կա-

ընդունելուն ունեցող հարցը կայանում է նրանում, որ հընար եղածին չափ կարողանանք „մեղմել այդ հիմնական արգելքների վնասաբեր բնավորութիւնը“: Միւս կողմից, եթէ հնարաւոր չէ առայժմ—և դա հնարաւոր չէ—ընդհանուր համերաշխութիւն, գոնէ հող պատրաստել մասնակի յարաբերութիւնների և համաձայնութիւնների համար: Այդպիսի մասնակի, տեղական համաձայնութիւնների համար լաւագոյն և նպաստաւոր հիմք է կազմում յատկապէս ցեղալիւն սկզբունքը: Քրդերի մէջ, և առհասարակ քաղաքակրթական նոյն աստիճանի վրայ կանգնած ամեն մի ժողովրդի մէջ, ցեղապետը անսահման իրաւունքի տէր է, ցեղի միահեծան առաջնորդը, որին հլու-հսկատկ հետևում են ցեղի բոլոր անդամները: Հետևապէս համոզել մի ցեղապետի, նշանակում համոզել և ուրի հանել ամբողջ ցեղը: Եւ այդպիսի յաջող, բայց մասնաւոր և վաղանցուկ, փորձերը եղել են վերջին երկու տասնամեակում:

Բայց այլ տեղ պէտք է որոնել միակ հաստատուն և շիտակ ուղին ու միջոցը: Մենք պէտք է „մեր սեփական ոյժերը հարստացնենք եւ կենդանի օրինակներով ապացուցանենք, որ ընդունակ ենք պաշտպանել մեր և շատ անգամ նաեւ մեր հարեանների շահերը: Կ'ունենանք այդ ոյժը, կ'ունենանք եւ քիւրդ դաւնակիցներ: Հակառակ դէպքում հայերը աւելի ձեռնտու պիտի մնան քրդերի համար իբրեւ հարստահարութիւնների և թաւանի աւարկայ, քան իբրեւ ղինակիցներ ընդհանուր թշնամու դէմ“:

Այստեղից միաժամանակ պարզ է, թէ որքան Գրիստափոր Միքայէլեանը լաւատեղեակ էր քրդերի վերաբերմամբ և հիմնապէս ճանաչում քիւրդ ժողովրդի հոգեբանութիւնը: Ինչպէս ամեն տեղ և ամեն մի հարցի վերաբերմամբ, այնպէս էլ այստեղ և այս հարցը վերլուծելիս նա ներկայանում է որպէս բէալ մտածող, ի նկատի է ունենում բոլոր իրական յարաբերութիւնները, կեանքի բոլոր բաղկացուցիչ տարրերը, բոլոր գործօնները:



Հայաստանի Ազգային գրադարան



NL0428972

ՀԵՂԻՆԱԿԻ ԳՐԻԱՆՔՆԵՐԸ

- 1) Ասրլասական, (սակաւարի) 21r. 500կ.
- 2) Պատմափիլիսոփայութիւն 300կ.
- 3) «ՄԻՏՔ» Գիտական-փիլիսոփայական
ժողովածո 1 r. 50 կ.
- 4) Նիցշէ եւ նրա փիլիսոփայութիւնը 20 կ.
- 5) Պետսիմիզմի փիլիսոփան (Զայենկաւմեր
եւ նրա փիլիսոփայութիւնը) 50 կ.
- 6) Միխայլովսկիի որպէս փիլիսոփա-
սոցիոլոգ 60 կ.
- 7) N. Michailowsky als Philosoph und Soziolog,
Berlin. 1 r. 50 կ.
- 8) Յոմնական փիլիսոփայութիւն 25 կ.
- 9) Գերմաներէնից-հայ. բառար. 1r.
- 10) Քր. Միխայելեան 50 կ.

ԳԻՆՆ Է 50 ԿՈՊ.

ՀԵՂԻՆԱԿԻ ՀԱՍՏԷՆ՝

Редакция „Аревь“

Е Франгану

17496